

廣

雅

疏

證

廣雅疏證卷第三上

高郵王念孫學

釋詁

序僂擊佻秩斑坐佻毖第次也

僂者說文僂次也擊之言漸也字亦作擯禮器君子
之於禮也若有擯而播也鄭注云擯之言芟也謂芟殺
有所與也若祭者貴賤皆有所得不得使虛也段氏若
膺云芟殺之殺所拜反芟殺謂由多漸少皆有等衰
故廣雅訓擊爲次也佻者爾雅佻貳也郭璞注云佻
次爲副貳說文佻次也文選報任少卿書佻之轅室
李善引如淳注云佻次也若人相次也斑與班同坐
佻一字也說文坐地相次坐也字亦作此太元陰陽
此參范望注云以陰陽相次而三三相乘也賈子道
術篇云動靜攝次謂之比坐佻比並通差者孟子滕
文公篇愛無差等
趙岐注云差次也

恭恠恠志也

恠經傳通作旨恠各本皆作恭恠恠志恠意也集韻類篇亦云恭恠意也則宋時廣雅本已然案衆經音義卷八云說文恠恠意也廣雅恠恠志也莊子刻意篇釋文云廣雅恠恠志也則德明元應所見本志字皆在意字下今據以訂正

輸劈刎剗燼子贏鼓幪邊餘也

緒

輸者廣韻云輸餘也出字林說文輸正端製也裂綴餘也蘇林注漢書終軍傳云繻帛邊也邊亦餘也左氏春秋紀裂繻字子帛公羊穀梁並作紀履綸左傳申繻管子作申俞皆取帛邊之義集韻輸輸綸三字並音俞其義同也劈之言槩也商頌長發傳云槩餘也刎者說文刎禽獸所食餘也从友從肉又云友刎骨之殘也殘與刎通刎者玉篇刎力制切帛餘也左思魏都賦秦餘徒刎李善注云廣雅刎餘也齊語戎車待游車之裂韋昭注云裂殘也舊音音例引說文裂餘也裂與刎同卽紀裂繻之裂也小雅都人士簪

垂帶而厲毛傳云厲帶之垂者厲與紉亦同義謂垂帶之餘以爲飾故下文云匪伊垂之帶則有餘也爾雅烈餘也詩序云宣王承厲王之烈烈與紉古亦同聲熸子者方言子蓋餘也周鄭之閒曰熸或曰子青徐楚之閒曰子自開而西秦晉之閒炊薪不盡曰熸說文熸火餘木也大雅桑柔篇只禍以熸鄭箋云災餘曰熸吳語安受其熸韋昭注云熸餘也馬融長笛賦云蓋滯抗絕熸熸並通大雅雲漢篇周餘黎民靡有子遺正義云子然孤獨之貌也幪者說文幪殘帛也淮南子要畧篇咸縹縹之貌也幪者說文幪殘說文緒絲帛也楚辭九章欸秋冬之緒風王逸注云緒餘也莊子讓王篇其緒餘以爲國家司馬彪注云緒者殘也謂殘餘也山木篇食不敢先嘗必取其緒緒亦餘也釋文以爲次緒之緒失之衆經音義卷十

九引廣雅緒餘也今本脫緒字

餽糲摘搏也

餽糲者玉篇餽乾麵餅也廣韻又作饋云黏也皆搏著之意也說文糲粉也亦謂粉相搏著也廣韻糲黏

綆也。綆與綆同。說文：弄，搏飯也。弄與綆亦聲。近義同。綆，猶綆也。終也。昭二十五年左傳：綆，從公杜預注云：綆，終也。不離散，是其義也。綆，義見卷四。綆，黏也。下。撒之言，相致也。唐風：鴇羽，箋云：根相迫，走相致，亦不離散之意也。

粲彰彪辨璘森彬或明純文也

彰，通作爛。彪，虎者也。說文：彪，虎文也。蒙九二苞蒙，鄭注云：苞，當作彪。彪，文也。案藝文類聚引漢胡廣徵士法高卿碑云：彪，童蒙作世師。蔡邕處士圖叔則碑云：童蒙來求，彪之用文。又司徒袁公夫人馬氏靈表云：俾我小子，蒙昧以彪，皆用蒙卦之辭。則九二之苞蒙，漢時諸家易說必有作彪而訓為文者。故鄭本之為說也。法言：君子篇，以其渾中而彪外也。李軌注亦云：彪，文也。辨者，說文：辨，駁文也。王制：班白者不提挈。鄭注云：雜色為斑。孟子：梁惠王篇：班白作頽。白，周官：內饔，馬黑脊而般臂。鄭注云：般臂，臂毛有文。賁釋文引傳氏云：賁，古班字。文章貌。並字異而義同。璘者，揚雄甘泉賦：璧馬犀之璘璘。李善注引埤倉云：璘，璘文兒也。張

衡面京賦璫珉璘彬薛綜注云璘彬玉光色雜也何晏景福殿賦云文彩璘班竝字異而義同庶者說文虛虎文彪也庶與彪同彬者說文文份文質備也引論語文質份份今本作彬包咸注云彬彬文質相半之貌史記儒林傳斌斌多文學之士竝字異而義同齊虛彬聲又相近也或者說文斌有文章也論語八佾篇郁郁乎文哉後漢荀爽或字文若或斌郁竝通明者方言明也郭璞注云明明文采貌也文選西京賦赫昕昕以宏敞李善注引坤倉云昕赤文也可馬相如上林賦云煌煌扈扈照曜鉅野淮南子叙員訓確扈炫煌高誘注云采色貌也扈扈竝與昕通亦通作戶初學記引論語摘衰聖云鳳有九苞八曰音激揚九曰腹文戶戶亦文采貌也宋均注云戶所由世入也失之純者方言純文也漢書地理志云織作冰紈綺繡純麗之物

困胎健逃也

方言困胎健逃也郭璞注云皆謂逃叛也

擷挺挺桓遂豈吟吭畢終粹竟也

此條竟字有二義。擷挺挺桓遂畢終粹爲究竟之竟。豈吟吭爲過竟之竟。過竟之竟亦取究竟之義也。擷挺者方言。擷挺者方言。擷挺各本作挺。蓋因下挺字而誤。今訂正。挺桓者方言。挺通說文。桓竟也。秦晉或曰挺。或曰竟。楚曰挺。挺與挺通。說文。桓竟也。楚辭招魂。姱容脩態。經短。鄭注云。恒讀爲桓。桓竟也。班固荅賓戲云。繼以年歲。洞房些王逸注云。繼竟也。班固荅賓戲云。繼以年歲。面都賦云。北彌明光而亘長樂。並字異而義同。遂讀如遂。事不諫之遂。豈與疆同。吟各本皆作吃。吭字俗書作吭。因譌而爲吃。惟影宋本不譌。說文。吭竟也。吭疆竟。古聲。並相近。終粹經傳通作終卒。

傅謹卽因度集從圍西歸孝就也

謹者邾風北門篇。室人交徧。摧我釋文。摧韓詩作謹就也。集謂相依就也。大雅大明篇。天監在下。有命既集。毛傳云。集就也。鄭箋云。天命將有所依就。是也。一曰。集謂成就也。小雅小旻篇。謀夫孔多。是用不集。毛

傳云集就也韓詩外傳作是用不就就集一聲之轉
皆謂成就也圍各本訛作固方言玉篇並云圍就也
今據以訂正圍猶而也周官典瑞注云一而爲一就
是其義也西者說文酉就也八月黍成可爲酎酒又
云酒就也所以就人牲之善惡酉酒就聲並相近孝
者孝經正義引孝經援神契云天子行孝曰就言德
被天下澤及萬物始終成就
榮其祖考也孝就聲亦相近

棚勢剗剗屠也

諸書無訓棚爲屠者方言棚就也郭璞注云棚棚成
就貌然則廣雅本訓棚爲就在上條內後人傳寫誤
入此條耳玉篇棚成熟也廣韻棚成就也義並與棚
同勢者士喪禮特豚四豢鄭注云豢解也周官小
宰羊肆鄭注云肆讀爲豢羊豢者所謂豚解也墨子
明鬼篇云筮者殷王紂剗剔孕婦並字異而義同剗
者說文剗刺也歸妹上六士剗羊馬融注與說文同
剗者方言剗勢也說文剗判也衆經音義卷九引倉
頡篇云剗屠也繫辭傳剗木爲舟九家本作撻注云
撻除也周官掌戮殺王之親者辜之鄭注云辜之言
黃佳流登

卷之三

[illegible]

鵩者方言鵩飛也說文云大飛也釋訓篇云鵩鵩飛也爾雅鵩隼醜其飛也鵩舍人注云鵩鵩其飛疾羽聲也春秋魯公子鵩鄭公孫揮皆字羽揮與鵩通鵩之言揮也說文云揮奮也爾雅云雉絕有力奮又云魚有力者鰈北山經獄法之山有鵩鵩其狀如犬而人面其名曰山鵩其行如風郭璞注云言疾也又歸山有鵩鵩其狀如鷹羊而四角馬尾而有距其名曰鵩善還注云還旋旋舞也是凡言揮者其義皆與飛相近也鵩者說文鵩飛兒也釋訓云鵩鵩飛也楚辭遠遊篇云鵩鳥軒翥而翔飛張衡西京賦云鳳鵩翥

於蓼標騫與軒通騫之言軒也亦軒然起也各本諫
作騫今訂正翻騫二字義見卷一翻騫舉也下翻亦
騫也玉篇翻飛兒又云介輕舉兒翻介並音許延反
義相近也翻者釋訓云翻翻飛也翻者玉篇翻飛兒
廣韻云翻翁飛兒胡者玉篇翻飛也翻者玉篇翻飛兒
飛也翻與翺同翺者玉篇翺呼橫切羣鳥弄翅也釋
訓云翺翺飛也翺者曹憲音呼麥反各本脫去翺字
其呼麥反之音遂誤入翺字下玉篇翺呼麥反各本
飛兒廣韻云翺飛聲集韻翺字注引廣雅翺翺飛也
今據以補正翺者玉篇翺飛也廣韻云翺翺飛相
兒翺翺即翺翁之轉也翺亦翺也說文翺小飛也釋
訓云翺翺飛也楚辭九歌翺飛兮翠曾王逸注云言
身體翺然若飛似翠鳥之舉也鬼谷子揣篇云翺飛
輓動韓詩外傳作翺淮南子原道訓作翺並字異而
義同翺之言僂也方言僂疾也荀子不苟篇小人喜
則輕而翺楊倞注云言輕僂如小鳥之翺是翺與僂
同義翺翺者玉篇云翺翺飛兒又云翺翺飛起兒又
云翺飛兒又云翺翺飛兒說文翺飛盛兒也枚乘梁
王菟園賦云徐飛翺翺左思吳都賦云趁趁翺翺並
字異而義同翺者說文飲翺飛兒秦風晨風篇飲彼

晨風毛傳云疾飛貌歛與鳩同翻者釋訓云翻翻飛也唐風鴉羽篇肅肅鴉羽毛傳云肅肅鴉羽聲也肅與翻通矯者玉篇翻飛也孫綽遊天台山賦整輕翻而思矯李善注引方言矯飛也今方言作翻同

鑿而歛掘拍斛挾挑窳穿也

商者說文商以錐有所穿也歛者玉篇歛掘也隱元年左傳闕地及泉逸周書周祝解獮有桑而不敢以掘字竝與歛同拍者說文掘掘也吳語云孤埋之而孤掘之列子說符篇云拍其谷而得其鉄拍與掘同歛掘拍聲竝相近斛與下挑字通說文斛突也突與穿同義爾雅斛謂之曉鄭注少牢下篇作挑謂之歛曉歛竝與錘同所以穿地者也故釋名云錘插也插地起土也或曰銷銷削也能有所穿削也挾者說文挾挑也襄十七年左傳云以杙挾其傷而外說文突穿也窳淡挾也義竝與挾同衆經音義卷二引廣雅作挾周語云挾汨九川挾亦挾也汨亦拍也窳者說文窳穿地也小爾雅云塏謂之窳周官小宗伯甫窳鄭注云鄭大夫讀窳爲穿杜子春讀窳爲窳皆謂穿穿塏也今南陽名穿地爲窳塏如腐脰之脰

擣擣戏擣投也

抗

擣者下文云擣擊也擊與投同義擣各本訛作擣今訂正戏字音義未詳曹憲音內有本作郊未詳弋音七字考字書韻書皆無戏郊二字卷三云投擣擣也釋言云確確也此云戏擣投也則戏與擣同意玉篇瓦竹格切確也廣韻又都盜切擣地聲又竹亞切亦作戩戩與戏字相似又說文戩擊蹠也讀若蹠奴與郊字亦相似未知誰是廣雅原文姑竝記之以俟考正擣即今擣字也說文擣投也莊子肱篋篇擣王毀珠崔謏注云擣猶投弃之也徐無鬼篇齊人竊子於宋釋文云竊投也擣擣竝通抗者玉篇抗擣擊也集韻類篇竝引廣雅

苦翕煖煜熺熾也

煖

苦翕者方言苦翕熾也又云煖翕炙也擣雄甘泉賦翕赫習霍李善注云翕赫盛兒卷二云翕熺也義相近煖者卷二云煖熺也煜者說文煜耀也衆經音義卷五引埤倉云煜盛兒也淮南子本經訓云煜是

鎔眩照耀輝煌漢書敘傳焱飛景附煜煜其間顏師古注云煜霄光貌也說文昱日明也煜昱義相近熿者說文熿炙也鄭注樂記云熿猶蒸也傳毅舞賦云朱火曜其延起兮耀萃屋而熠洞房襄三十年左傳諄諄出出杜預注云諄諄熱也熿熿諄諄義並相近熿者玉篇廣韻並云熿熿也釋言云熿熿也衆經音義卷七引廣雅熿熿也今本脫熿字

悲怒恨惆悵也

悲怒者方言悲怒悵悵也郭璞注云謂惋悵也方言又云怒傷也又云怒憂也自關而西秦晉之間凡志而不得欲而不獲高而有墜得而中亡謂之怒皆悵悵之意也詳見卷一怒憂也下悵者楚辭九辯悵悵悵兮王逸注云中情悵悵意不得也班彪北征賦云心愴悵悵以傷懷重言之則曰悵悵義見釋訓悵者說文悵失意也餘見卷二悵悵痛也下

怵愉兌解說也

怱愉者方言怱愉悅也郭璞注云怱愉猶响愉也說
與說同說貌謂之怱愉故容貌可說者亦謂之怱愉
漢瑟調曲隴西行云好婦出迎客顏色正敷愉是也
敷與怱通兌者兌彖傳云兌說也兌說古同聲故禮
記引說命皆作兌解者說文說說釋也徐鍇通論云
悅猶說也解脫也人心有鬱結能解釋之也學記云
相說以解傳二十八左傳衛人出其君以說
于晉公懼於晉殺子叢以說焉皆解之義也

漂毛嫱娥狎傷哉侮仇懷忽輕也 傲

漂仇者方言仇漂輕也楚凡相輕薄謂之相仇或謂
之漂也郭璞注漂音飄零之飄玉篇音匹妙切漂之
言飄也說文漂輕也又云嫽輕也周官草人云輕票
用犬考工記弓人云則其爲獸必剽荀子議兵篇云
輕利漂邀史記賈誼傳云鳳漂漂其高邁漢書作縹
司馬相如傳云飄飄有凌雲之氣竝字異而義同仇
之言汎也方言注汎音汎說文汎浮兒左思魏都賦
過以汎剽之單慧張載注引方言汎剽輕也汎與仇
通玉篇仇又音凡又玉篇凡字注及衆經音義卷二
十三竝引廣雅凡輕也衆經音義云謂輕微之稱也

孟子盡心篇云待文王而後興者凡民也凡亦與仇通。通編之言駢也。說文編輕兒也。泰六四駢駢釋文引向秀注云輕舉貌。駢與編通。越之言越也。說文越也。爾雅越揚也。是城與越同。義荀子非相篇筋力越也。勁越者輕也。說文云起輕勁有材力也。楊倞注以越為過人失之說。文賦輕足也。義亦與越同。狎者昭二十年左傳民狎而翫之。杜預注云狎輕也。傷經傳通作易。崑者李善注西京賦引倉頡篇云崑侮也。侮者說文懷輕易也。大雅柔柔篇國步蔑資。鄭箋云蔑猶輕也。周語云鄭未失周典。王而蔑之是不明賢也。蔑與僕同。今人猶謂輕視人為蔑視矣。傲者說文藝侮易也。藝與傲通。呂氏春秋士容論注云傲輕也。衆經音義卷二十二引廣雅傲輕也。今本脫傲字。

賓葦關括垝充實斂閉昏繁敷暗埋塞也

賓與填同。關括者方言括關閉也。說文括絜也。鄭注大學云絜猶結也。坤六四括囊虞翻注云括結也。閉結皆塞也。垝斂者說文斂閉也。或作劇斂塞也。大雅縣篇度之蓼蓼。韓詩云度填也。晉語狐突杜門不出。

衆經音義卷五引賈逵注云杜塞也字並與婁通案
舊杜乃攢斂乃奔王肅注與說文同昏者說文昏寒
口也古文作昏昏與括聲相近也祭者玉篇音女於
切字或作柳茹祭茹說文祭祭繼也引既濟六四需
有衣祭今本作柳茹有衣柳王弼注云衣柳所以塞舟
漏也子夏作茹京房作祭考工記弓人厚其帑則木
堅鄭衆注云帑讀爲襦有衣祭之祭祭謂弓中裨也
呂氏春秋功名篇以茹魚去蠅高誘注云茹讀茹船
漏之茹並字異而義同祭各本訛作絮既濟釋文云
柳說文作絮廣雅云絮塞也子夏作茹京作絮是廣
雅本作絮與京房作絮者異今據以訂正叙者說文
叙塞也讀若虞書叙三苗之叙今書作竄古今字異
也叙各本訛作竄今訂正暗從目取聲取略並音一
活反各本訛作暗集韻類篇並云暗塞也今據以訂
正堙者說文堙塞也引洪範鯀堙洪水今本作堙周
官掌屨作闡襄二十五年左傳作堙昭二十九年傳
作湮並字
異而義同

礪礪帑鑠甄甄剗挖差孽錯鑢指
硎捩鑿斲坳砥磋

磨也

礪者說文礪礪也晉語斷其椽而礪之文選枚乘諫吳王書注引賈逵注云礪磨也荀子性惡篇云鈍金必將待礪礪然後利礪與礪同磨與礪同宇通作磨又作摩礪者榮誓云礪乃鋒刃昭十二年左傳云磨厲以須礪與礪同希鑠者方言希鑠摩也燕齊摩銘謂之希周語衆口鑠金史記鄒陽傳索隱引賈逵注云鑠消也消亦磨也考工記云鑠金以爲刃鑠與鑠通甄甄者廣韻甄甄肩瓦洗器也方言磴或謂之硨郭璞注云卽磨也硨與甄聲近義同甄玉篇音所兩切廣韻又初兩切說文甄硨垢瓦石也徐鍇傳云以碎瓦石甄去瓶內垢也西山經錢來之山其下多洗石郭璞注云澡洗可以礪體去垢坵木華海賦飛澇相礪李善引方言注云澳鎔也甄礪澳並通劉者說文劉摩也玉篇音公哀五哀二切爾雅斲訖也郭璞注云謂相摩近釋文斲礪也斲礪並通今俗語猶謂磨相礪切也說文礪礪也斲礪並通今俗語猶謂相摩近爲劉說文礪礪也斲礪並通今俗語猶謂音柯礙何代二切廣韻又古忽戶骨二切淮南子要

畧篇濡不暇。扞高誘注云：扞，拭也。漢書禮樂志：扞嘉
璽。孟康注云：扞，摩也。後漢書杜篤傳：漂槩朱崖。李賢
注云：漂槩，謂摩近之也。周官世婦：帥女宮而濯槩。鄭
注云：槩，拭也。檜風：匪風篇云：槩之釜簫爾雅：澣，汔也。
釋文：汔，古愛反。說文：槩，汔斗斛也。汔，平也。徐鍇傳云：
汔，卽槩也。摩之使平也。月令：正權槩。鄭注云：槩，平斗
斛者。說文：汔，字注云：刀不利於瓦石上，汔之義與扞
並相近。差之言磋也。說文：腦齒差也。謂齒相摩切也。
斲差錯一聲之轉。故皆訓爲磨。爾雅：奘，差也。奘，忒也。
郭注云：皆謂用心差錯不專一。奘與差錯同義。故斲
與差錯亦同義也。挈者，說文：研，研與挈同。錯者，說文：厝，厝
秋精通篇云：刀若新，劇研研與挈同。錯者，說文：厝，厝
石也。引小雅鶴鳴篇：佻山之石，可曰爲厝。今本作錯。
禹貢：錫貢磬錯。傳云：治玉石曰錯。衛風：淇奧篇：如琢
如磨。太平御覽引韓詩作：如錯如磨。束皙補亡詩：槃
槃門子如磨如錯。用韓詩也。說卦傳：八卦相錯。李鼎
祚注云：錯，摩也。剛柔相摩，八卦相蕩也。錯，各本訛作
錯。文選：江賦：奔湍之所礪錯。李善注：引廣雅：錯，摩也。
今據以訂正。錯者，說文：鏹，錯銅鐵也。太元大次二云：
大其慮躬自鏹。大雅抑箋云：王之缺可磨鏹而平。鄭

廣雅疏證

卷第三上

九

衆注考工記云摩銅之器方言云燕齊摩鉛謂之希
鑑銅鉛並同指揮者衆經音義卷十八揮女皆反引
韻集云指揮摩也廣韻指揮摩拭也文選西京賦指
枳落李善注引字林云指摩也各本俱脫揮字集韻
類篇並引廣雅指揮摩也今據以補正硎者文選長
笛賦總硎隤墜李善注引廣雅硎磨也握者卷二云
握拭也握亦指也方俗語轉耳磨者玉篇音余傾易
定二切左思招隱詩聊可瑩心神李善注引廣雅瑩
磨也瑩與鑿通磨者廣韻礪磨也又云礪平木器
名釋名云礪斯彌也斤有高下之跡以此斯彌其上
而平之也礪與礪同義斯彌斯磨語之轉耳切者集
韻引字林云切摩也魏策云砥厲廉隅漢書枚乘傳云
齒切與切通砥者儒行云砥厲廉隅漢書枚乘傳云
磨礪底厲底與砥同砥者衛風淇奥篇如切如磋如
琢如磨爾雅云骨謂之切象謂之磋玉謂之琢石謂
之磨鄭注學記云摩相切磋也蓋切磋磨三字對文
則異散文則通矣

訥賢惹諛誦拏也

此釋紛拏之義也。說文拏，牽引也。文選吳都賦注引許慎淮南子注云：拏，亂也。方言：囁，譁也。拏，揚州會稽之語也。郭璞注云：言譁拏也。玉篇云：譁，言不可解也。廣韻云：譁，語不正也。淮南子本經訓云：芒繁紛拏以相交持。拏，拏訛竝通。賢各本訛作覽。玉篇：賢，婉，拏也。廣韻云：賢，婉也。她與譁同。拏與拏同。今據以訂正。惹，譁者。方言：拏，揚州會稽或謂之惹。或謂之詭。郭注云：惹，言情惹也。詭，言誣詭也。玉篇：惹，音人者切。云：亂也。廣韻又而灼切。云：詭。惹也。詭字又作婉。說文：婉，誣拏也。

娒惕嬉効遊敖契戲也

娒惕，娒者，方言：娒，惕遊也。江沅之閒謂戲爲娒，或謂之惕，或謂之嬉。娒之言逍遙惕之言放蕩也。說文：娒，放也。玉篇：音杜朗切。莊子：大宗師篇：女將何以遊夫遙蕩，恣睢轉徙之塗乎？遙蕩與娒惕通。方言注：娒音羊言彷彿也。彷彿，猶放蕩耳。効，經傳通作佚，又作逸。

跟蹙跪擗也

張楚跪者方言東齊海岱北燕之郊跪謂之張楚郭
璞注云今東郡人亦呼長跪為張楚衆經音義卷二
十四云今江南謂屈膝立為
跟跪說文跪拜也拜與操同

保倮詢剔馬詈罵也

保倮者方言保倮罵也燕之北郊曰保倮郭璞注云
厥小可憎之名也方言南楚凡罵賤謂之田儻又
云庸謂之倮轉語也義與保倮亦相近詢即詬字也
襄十七年左傳重邱人閉門而詢之杜預注云詢罵
也馬亦罵也方
俗語有輕重耳

擻旅何揭拵擔也

擻旅何拵者方言擻脊賀勝儻也齊楚陳宋之間目
擻燕之北郊越之垂甌吳之外鄙謂之脊南楚或謂
之擻自關而西隴冀以往謂之賀儻與擔同釋言云擻負也
物者謂之負佗亦謂之賀儻與擔同釋言云擻負也
莊子胠篋篇擻糧而趨之儻與擻通擻拵二字竝從
手各本訛從木今訂正旅各本訛作核自宋時本已

然故集韻類篇核字注並云一日擔也考玉篇廣韻
核字似不訓爲擔又符字古通作旅秦誓旅力既愆
小雅北山篇旅力方剛並以旅爲符廣韻旅俗作核
振與核字形相近方言攢脅賀勝僭也此云攢核何
揭搥擔也核字明是俗旅字之訛郭璞注云僭者用
脅力因名云今據以訂正何與賀通亦通作荷說文
勝囊也方言注云今江東呼僭兩頭有物爲勝後漢
書儒林傳云制爲勝囊搥勝勝並通揭者說文竭負
舉也禮運五行之動迭相竭也鄭注云竭猶負戴也
成二年左傳桀石以投人杜預注云桀搥也莊子胠
篋篇負圓揭篋搥囊而趨釋文引三倉云揭舉也搥
也負也揭竭桀並通衆經音義卷三引廣雅何揭搥
也今本
脫揭字

廢爛蕭廐餽枯酋羞礪聚歎也

廢爛蕭廐餽枯酋羞礪聚歎也
廢爛蕭廐餽枯酋者說文廢爛也爛孰也廢通作
廢爛亦作爛孰亦作熟方言廐餽亨爛餽酋枯孰也
自關而西秦晉之郊曰廐徐揚之閒曰餽嵩嶽以南
陳穎之閒曰亨自河以北趙魏之閒火熟曰爛氣熟

曰情久熟曰酋穀熟曰酷熟其通語也亨與蕭通說
文膺爛也宣二年左傳宰夫膺熊蹯不熟正義引字
書云過熟曰膺內則濡豚鄭注云濡謂亨之以汁和
也楚辭招魂肥牛之臠膺若芳些王逸注云膺若熟
爛也膺膺滿並通說文炮九之孰也義與膺亦相近
說文飪大孰也古文作肝又作恁士昏禮皆飪鄭注
云飪熟也郊特牲腥肆爛膾祭鄭注云膾孰也爾雅
饋饍稔也並字異而義同說文稔穀孰也引昭元年
左傳鮮不五稔義亦與飪同爾雅釋訓釋文引字林
云饍熟食也士虞禮饍饍在東壁鄭注云炊黍稷曰
饍周官饍人鄭衆注云主炊官也故書饍作饍饍饍
禧竝同玉篇稭禾大熟也稭與酷通周官酒正二曰
筍酒鄭注云筍酒今之酋久白酒月令乃命大酋鄭
注云酒孰曰酋大酋者酒官之長也高誘注呂氏春
秋仲冬紀云醞釀米麴使之化熟故謂之酋鄭語毒
之酋脂者其殺也滋速韋昭注云精熟為酋脂極也
脂與酋酒之筍同義說文酋釋酒也釋名云酒酉也
釀之米麴酉澤久而味美也酉澤與酋釋通月令麥
秋至太平御覽引蔡邕章句云百穀各以其初生為
春熟為秋故麥以孟夏為秋說文秋穀孰也秋與酋

亦聲近義同。羞者，方言：羞，熟也。郭璞注云：熟食爲羞。聘禮：燕與羞，似獻，無常數。鄭注云：羞，謂禽羞。屬成，熟煎和也。爾雅：饋，餽也。郭璞注云：今呼筵飯爲饋。釋文：筵，音脩。義亦與羞同。爾雅：饋者，方言：饋，熟也。屬與粥同。

懷諒悵鞅悵覺叡忤謂黨聞曉哲智也

懷諒者，方言：懷，諒也。知也。與智通。智，卽今智字也。說文：智，識詞也。隸省作智。各本智字分爲于智二字。雙行並列。今訂正。悵，悵之言寔也。說文：悵，悵也。王篇云：意思，悵也。鞅者，王制：西方曰狄鞅。鄭注云：鞅之言知也。正義云：謂通傳言語與中國相知。古知智同聲同義。故荀子：正名篇云：知有所合，謂之智。白虎通義云：智者，知也。獨見前聞，不惑於事，見微知著也。釋名云：智，知也。無所不知也。悵者，卷一云：謂慧也。譌與悵聲義並同。叡與睿同。悵，謂者，衆經音義卷十七引字林云：悵，悵也。又引通俗文云：多意謂之悵。悵，說文：謂知也。又云：悵，知也。周官：大宰，胥十有二人。鄭注云：胥，讀如謂。謂其有才知爲什長。又閭胥，大胥，小胥，注並云：二

胥有才知之稱陸機辨亡論云謀無遺誦語情苟並
通黨曉哲者方言黨曉哲知也楚謂之黨或曰曉齊
宋之閒謂之哲郭璞注云黨黨朗也解寤貌廣韻曉
朗火光寬明也燦與黨義相近聞者說文聞知聲也

封埴埴塲也

封埴者方言埴封塲也楚郢以南蟻土謂之埴埴亦
中齊語也易林震之蹇云蟻封穴戶周官封人法聚
土曰封故蟻塲亦謂之封也幽風東山篇鶉鳴于埴
毛傳云埴蟻冢也韓非子姦劫弑臣篇云猶蟻埴之
比大陵也蟻與蟻同埴者方言埴塲也梁宋之間蟻
蟻穉鼠之塲謂之埴塲雄答劉歆書云由鼠埴之與
牛塲也潘岳藉田賦云埴塲染履案天將雨則蟻聚
土為封以禦溼如水中之埴故謂之埴秦風蒹葭篇
云宛在水中央中埴是也塲者郭璞方言注音傷衣經音
義卷十一引埴倉云塲鼠埴也字通作壤隱三年穀
梁傳疏引糜信注云齊魯之閒謂鑿地出土鼠
作穴出土皆曰壤莊子天道篇云鼠壤有餘蔬

杜嚮遜翌也

杜驕者方言杜驕也趙曰杜山之東面或曰驕郭璞注云今俗語通言驕如杜杜黎子驕因名云卻驕燥驕貌避者說文違行難也經傳通作客說文驕不滑也從四止各本訛作驕今訂正

絳挈儻介孤寡索唯特獨也

絳挈儻介特者方言絳挈儻介特也楚曰儻晉曰絳秦曰挈物無耦曰特舊無耦曰介挈亦介也語之轉耳說文挈麻一耑也聲與挈近而義同鄭注大司寇云無兄弟曰悖洪範云無虐荒獨小雅正月篇云哀此悖獨唐風杜篇云獨行最最周頌閔予小子篇云嫪嫪在疚說文趙獨行也竝字異而義同儻各本訛作儻今訂正昭十四年左傳收介特杜預注云介特單身民也哀十四年傳云達澤有介麋焉集韻類篇引廣雅竝作介孤寡索者孟子梁惠王篇老而無妻曰鰥老而無夫曰寡老而無子曰獨幼而無父曰孤襄二十七年左傳齊崔杼生成及疆而寡則無妻亦謂之寡鰥寡孤一聲之轉皆與獨同義因事而異名耳周南桃夭正義引小爾雅云無夫無婦竝謂之寡丈夫曰索婦人曰嫠索與索同檀弓吾難羣而索

居亦謂獨居也鄭注訓索爲散則與離意相複失之矣

惛慙頓慙眠眩惑聿悵搜撓恩攪猾紛 繼惹妄悵

憤叛散逆亂也 援

惛慙頓慙眠眩者方言惛慙頓慙惛慙或謂之慙江湘之間謂之頓慙南楚飲藥毒慙謂之惛頓慙猶中齊言眠眩也說文詩亂也或作悵玉篇慙迷亂也慙悵詩竝同慙慙慙慙慙慙音內勃字而誤考說文玉篇廣韻集韻類篇俱無慙字衆經音義卷十三引廣雅慙慙也今據以訂正淮南子要略云終身顛頓乎混冥之中而不知覺寤乎昭明之術是頓爲昏亂也爾雅詵詵亂也詵與頓聲近義同頓各本作悵或作頓又作混其義竝同說文引訂正慙字本作悵或作頓又作混其義竝同說文引立政云在受德恣今本作慙康誥云天惟與我民彝大泯亂泯亦亂也呂刑云泯泯焚焚是也傳訓泯爲滅失之莊子外物篇慙慙沈屯屯與頓通慙與慙通合言之則曰頓慙方言注云頓慙猶頓悶也淮南子

脩務訓精神曉洽鈍聞條達高誘注云鈍聞猶鈍情也文子精誠篇作屯閔義並與頓啓同眠字或作瞑玉篇與音眉田切又音麴荀子非十二子篇瞑然楊倞注云瞑瞑視不審之貌淮南子覽冥訓云其視瞑與並與眠同玉篇眩音胡徧胡獨二切周語觀美而眩李善注景福殿賦引賈逵注云眩惑也合言之則曰眠眩方言又云凡飲藥傳藥而毒東齊海岱之間謂之瞑或謂之眩楚語及孟子滕文公篇並引書若藥不瞑眩趙岐注云瞑眩憤亂也韋昭注云頓瞽也史記司馬相如傳視眩眠而無見漢書作眩泯揚雄傳目冥胸而亾見並與眠眩同崑崙者方言崑崙倮倮也注云謂倮惑也法言重黎篇云六國崑崙張衡倮倮無告也釋文引廣雅倮亂也王風黍離篇云中心搖搖楚策云心搖搖如懸旌而無所終薄搖與搖通倮者莊子庚桑楚篇不以人物利害相撓釋文引廣雅撓亂也撓者說文撓撓也成十三年左傳云撓亂我同盟莊子天道篇云萬物無足以撓心者鏡與撓通此天以寡人恩先生史記范雎傳同索隱云恩猶汨

亂之意楚辭離騷世涸而不分兮王逸注云涸亂也莊
也攪者小雅何人斯篇祇攪我心毛傳云攪亂也莊
子天道篇膠膠擾擾乎釋文膠交邪反膠擾擾動
亂之貌膠與攪通今俗語猶謂亂為攪矣狷者僖二
十一年左傳注及史記五帝紀集解引鄭氏堯典注
竝訓狷為亂周語滑夫二川之神韋昭注云滑亂也
滑與狷通洪範汭陳其五行汭與狷亦聲近義同紛
字下影宋本皇甫本畢本吳本皆缺二字其上一字
當是貶字其下一字則貶字之音也說文貶初數紛
貶亂也徐鍇傳云即今紛紜字孫子兵勢篇云紛紛
紜紜漢郊祀歌云紛紛六幕浮大海又云赤鴈集六
紛員長楊賦云汾沚沸渭竝與紛貶同縕者法言李
至篇齊桓之時縕李軌注云縕亂也漢書蕭何傳束
縕請火顏師古注云縕亂也義亦同縕者說文縕
亂也引昭二十四年左傳王室日蹙蹙焉今本作蹙
杜預注云蹙蹙動擾貌蹙與蹙通爾雅蹙不遜也郭
璞注云蹙蹙動擾不謙遜也亦亂之義也愾者說文
愾亂也大雅民勞篇以謹昏愾毛傳云昏愾大亂也
鄭箋云猶謹愾也愾與愾亦同義憤者說文憤亂也楚
云號呼謹愾也愾與愾亦同義憤者說文憤亂也楚

辭九思云心煩憤兮意無聊重言之則曰憤憤義與釋訓援者說文援煩也重言之則曰援援亦見釋訓衆經音義卷八卷九卷二十三並引廣雅援亂也今本脫援字

蹇如謬駮踴躁煩援也

蹇如者方言蹇如援也人不靜曰如秦晉曰蹇齊宋曰如爾雅如動也動亦援也小雅鼓鍾篇云憂心且如楚辭九章有抽思篇抽與如通謬者說文謬犬援援咳吠也玉篇云犬援駭也莊子天道篇云膠膠援援乎太元元攤云舛生相摻萬物乃糺范望注摻謂相援也並與謬聲近義同駮者說文駮援也大雅常武篇云徐方釋駮

連綦駮聚越越崎施蹇也

連駮越者方言連駮越蹇也吳楚偏蹇曰駮齊晉曰連郭璞注云越跛者行跣蹇也連行略連也連與越蹇並同方言又云自關而西秦晉之間凡蹇者或謂之連體而偏長短亦謂之連莊子秋水篇云夔謂竈

曰吾以一足踟躕而行踟躕與踟躕同亦作踟躕文
選文賦故踟躕於短垣李善注云廣雅曰踟躕無常
也今人以不定爲踟躕不定亦無常也海賦踟躕湛
灤注云波前卻之貌案前卻卽不定之意跋者行一
前一卻故謂之跋踟躕矣騷聚者聚當作輒或當作輒考諸書
故謂偏蹇曰騷蹇聚者聚當作輒或當作輒考諸書
無訓聚爲蹇者昭二十年穀梁傳云兩足不能相過
齊謂之蹇楚謂之輒輒謂之輒釋文劉兆云蹇連併
也輒聚合不解也輒本亦作蹇劉兆云如見繫絆也
士喪禮注云蹇讀如馬絆蹇之蹇蹇輒輒三字皆有
蹇義廣雅蹇訓爲蹇義本穀梁其聚字與輒輒二字
形並相近未審何字之訛也書大傳禹其跳湯局其
跳者跳也鄭注云其發聲也跳步足不能相過也案
其蹇古字通卽穀梁傳所云兩足不能相過齊謂之
蹇也鄭以其爲發聲失之越跳皆衰貌也越之言偏
頗也說文越蹇也經傳通作跋蹇之言傾敝也玉篇
音居綺卽奇二切說文跳一足也方言跳奇也梁楚
之間凡全物而體不具謂之跳跳畢行韋昭注云跳跋蹇
體不具者謂之跳跋蹇跋蹇畢行韋昭注云跳跋蹇
蹇也跋蹇卽大傳所云其跳也廣韻倚牽一脚也襄

十四年左傳云譬如捕鹿晉人角之諸戎掎之爾雅云牛角一俯一仰觭成二年公羊傳相與踦隅而語何休注云門閉一扇開一扇一人在外一人在內曰踦隅義竝相近也

糶酤街賣調詒踞賺貴也

糶者說文糶出穀也管子國蓄篇云市糶無子酤者論語子罕篇求善賈而沽諸馬融注云沽賣也沽與酤通街者說文街行且賣也或作街內則奔則爲妾鄭注云奔或爲街賣音有說文賣街也周官胥師察其詐僞飾行債愚者鄭衆注云債賣也債與賣同字或作鬻又作弼詒者釋言云詒街也踞者玉篇踞賣也廣韻云貯也謂貯貨而賣之也皋陶謨云懲遷有無化居史記呂不韋傳云此奇貨可居居與踞通賺者玉篇賺重賣也

薄糶市買也

糶者說文糶市穀也春秋莊二十八年臧孫辰告糶于齊

彙種方朋肖似醜類也

彙者泰初九拔茅茹以其彙虞翻注云彙類也種經傳皆作種方者孟子萬章篇故君子可欺以其方趙岐注云方類也醜之言僞也離上九云獲匪其醜

疔駮僮惛狸諄胥眈瘍癡也

疔者衆經音義卷十六引通俗文云小癰曰疔說文氣癡兒氣與疔聲近義同馬融注秦誓云訖訖無所省錄之貌義與疔亦相近也駮者方言癡駮也衆經音義卷六引倉頡篇云駮無知也漢書息夫躬傳云駮不曉政事僮者賈子道術篇云反慧爲童蒙衆辭匪我求童蒙釋文引廣雅僮癡也晉語僮昏不可使謀韋昭注云僮無知昏闇亂也大戴禮千乘篇欺惑僮思僮童並與僮通春秋晉胥童字之昧是其義也狂諄者韓非子解老篇云心不能審得失之地則謂之狂周語云於是乎有狂悖之言有眩惑之明悖與諄通胥者說文胥駮也眈與眠同亦通作萌賈子大政篇云夫民之爲言也冥也萌之爲言也盲也周官

逯人注云、𢇛、猶情情、無知貌也、瘍者、說文、瘍、脈瘍也、脈、瘍、猶辟易也、吳語、稱疾、辟易、韋昭注云、辟易、狂疾、韓非子、內儲說云、公惑易也、漢書、王子侯表云、樂平侯、所病、狂易、與瘍通、

伸惕矯揉展挺繩矢當直也

惕、曹憲音惕、玉藻、凡行容惕惕、鄭注云、惕惕、直疾貌也、釋文、惕音惕、又音陽、曹憲又云、惕、一本作惕、玉篇、傷他莽切、直也、惕與惕聲異而義同、矯、揉者、正曲而使之直也、說文、矯、揉、箭、箝也、楚辭、離騷、矯、苗、桂、以、初、惠、芳、王逸注云、矯、直也、漢書、諸侯王表云、可謂、矯、枉、過、其、正、矣、考工記、輪人、揉、輻、必、齊、文選、長、笛、賦、注、引、鄭注云、揉、謂、以、火、矯、也、說卦傳云、坎、為、矯、輻、矯、揉、揉、林、並、通、挺者、玉篇、音、他、頂、切、爾雅、頭、直、也、襄、五、年、左、傳、周、道、挺、挺、杜預注云、挺、挺、正、直、也、曲、禮、鮮、魚、曰、脰、祭、鄭注云、脰、直、也、並、字、異、而、義、同、繩者、漢書、律、歷、志、云、繩者、上、下、端、直、經、緯、相、通、也、說卦傳云、與、為、繩、直、淮南子、繆、稱、訓、云、行、險、者、不、得、履、繩、出、林、者、不、得、直、道、繩、與、直、同、義、故、準、繩、亦、謂、之、準、直、月、令、云、先、定、準、直、農、乃、不、惑、是、也、矢者、盤庚、出、矢、言、傳云、出、正、直、之、

言嗟隘九四得金矢王弼注云矢直也當者說文當田相直也

溫煖燂炳燂然喝噉燂燂燂也

煖與煖同又讀爲暄樂記煖之以日月是也燂者玉篇燂炳也炳者玉篇炳乃困切熱也呂氏春秋必己篇云不食穀實不衣芮溫芮與炳聲近義同燂然者說文舊姓無雲暫見也舊與燂同亦通作晏說文晏天清也小爾雅晏陽也史記封禪書至中山燂燂續孝武紀及漢書郊祀志竝作晏溫如淳注云三輔謂日出清濟爲晏晏而溫淮南子繆稱訓暉日知晏文選羽獵賦注引許慎注云晏無雲也說文暉日見也玉篇音奴見切與燂同小雅角弓篇見暉日消毛傳云暉日氣也韓詩作燂暉聿消云燂暉日出也荀子非相篇引詩作晏然聿消竝字異而義同喝者說文喝傷熱暑也大戴禮千乘篇云夏服君事不及喝喝之言喝喝然也素問刺瘡篇云熱熛熛喝喝然也是也噉者說文云安燂溫也又燂字注云讀若水溫燂燂與噉同說文燂溫溼也讀與板同界與噉聲相近說文溼湯也汝渙水也汝與安

囉之安聲相近。安囉與囉聲亦相近也。囉者玉篇音似廉似林二切。說文文燿火熱也。內則五日則燿湯請浴。釋文燿溫也。說文文燿於湯中煖肉也。少牢下篇乃裁尸俎。鄭注云裁溫也。古文裁皆作尋。記或作燿。春秋傳曰若可燿也。亦可寒也。今左傳作尋。中肅正義引賈逵注云尋溫也。禮器三獻燿。鄭注云燿沈肉於湯也。義並與燿同。

肅比倅佚更貽遞迭代也

肅比倅佚更迭者。方言肅次比倅更佚代也。齊曰佚。江淮陳楚之間曰倅。餘四方之通語也。說文肅用也。從用庚。庚更事也。漢書食貨志敦民相與肅。輓犁顏師古注云言換功共作也。義與肅質同。說文倅代也。佚遞也。方言注云今俗名更代作爲次作次與佚通。肅佚比皆更代作之意。昭十六年左傳云晉我先君桓公與商人肅次比耦以艾殺此地。斬其蓬蒿藜藿而共處之。是也。迭與佚通。各本譌作迭。今訂正。凡更代作必以其次。故代謂之比。猶次謂之生也。代謂之遞。猶次謂之第也。代謂之迭。猶次謂之秩也。貽者鄉

射禮取弓矢拾土卷禮下篇及丈夫拾踊三
投壺請拾投鄭注竝云拾更也拾與拾通

鉛堪龕受盛也

鉛堪龕受者方言鉛龕受也齊楚曰鉛揚越曰龕受
盛也猶秦晉言容盛也鉛通作含凡言堪受者卽是
容盛之義昭二十一年左傳鍾寃則不咸擲則不容
今鍾寃矣王心弗堪是也龕與堪聲義亦同方言龕
字注云今云龕龕依此名也說文堪地突也淮南子
天文訓堪與徐行雄以音知雌文選甘泉賦注引許
慎注云堪天道也與地道也皆容盛之義也

汜碗注染潤濇辱點汚也

塗

汜碗染潤諸字爲汚穢之汚注爲汚下之汚而其義
又相通汜碗注潤者方言汜浼潤注汚也自關而東
或曰注或曰汜東齊海岱之間或曰浼或曰潤汚與
汙同漢書王褒傳云水斷蛟龍陸剽犀革忽若羣汜
盡塗如淳注云若以羣埽於汜灑之處也顏師古注
云羣埽也汜汜灑地也塗泥也如以埽埽汜灑之地

以刀畫泥中言其易也案慧者埽也後漢書光武紀
注云慧埽也班固東都賦云戈鋌慧雲羽旄埽霓是
也汜者汚也謂如以帚埽穢以刀畫泥耳如淳顏師
古以汜爲汜灑地失之漢博陵太守孔彪碑云浮游
塵埃之外嶠然汜而不俗是汜爲汚也汜爲汚穢之
汚亦爲汚下之汚管子山國軌篇云汜下漸澤之壤
汜下謂汚下也汜各本譌作汜今訂正孟子公孫丑
篇若將澆焉趙岐注云澆汚也丁公著晉漫玉篇及
方言注並同莊子讓王篇云欲以其辱行漫我呂氏
春秋離俗賢不漫於利高誘注云漫汚也漫澆並與
畝通說文注淡池也莊子齊物論篇似注者似汚者
是注爲汚下也卷一云窪下也窪與注亦同義漫者
下文云獲辱也獲與漫義相近楚辭漁父又安能以
晤皓之白而蒙世之溫蠖乎蠖與漫義亦相近陳氏
觀樓云溫雙卽汚之反語也點者楚辭七諫唐虞點
灼而毀議王逸注云點汚也塗者莊子讓王篇云其
竝乎周以塗吾身也不如避之以絜吾行呂氏春秋
誠廉篇塗作漫漢書王尊傳云塗汚宰相摧辱公卿
是塗爲汚也汚塗漫義相同故汚謂之漫亦謂之塗
塗牆謂之漫亦謂之圯矣文選而都賦注引廣雅塗

汚也、今本
脫塗字、

甸質流種譚為涅仙卦變七也

甸者管子地數篇云、吾欲陶天下而以為一家、淮南
子本經訓云、天地之合和、陰陽之陶化、萬物皆乘一
氣者也、是陶為化也、甸陶七化並通、衆經音義卷五
引韓詩云、上帝甚陶、陶變也、變亦化也、毛詩作上帝
甚陶、云陶動也、義亦相近、諸書無訓質為化者、質當
為貨字之誤也、說文、貨財也、從貝化聲、徐鍇傳云、可
以交易曰貨、貨化也、引皋陶謨、遷有無化居、廣韻
引蔡氏化清經云、貨者化也、變化交易之物、故字從
化也、是貨化二字古同聲同義流者、莊子逍遙遊篇
云、大旱金石流、楚辭招魂篇云、十日代出、流金鑠石、
皆化之義也、查者方言、查化也、譚為涅者、方言、為
譚、涅化也、北燕朝鮮洲水之間曰涅、或曰譚、雞伏卵
而未孚、始化之時、謂之涅、郭璞注云、為譚、譚皆化聲
之轉也、釋言云、為譚、譚也、風俗通義云、西方舉山、舉
者華也、萬物滋然、變華於西方也、華與譚聲近義同、
爾雅云、訛化也、堯典、平秩南僂、史記五帝紀作南為

幽風破斧篇四國是吡毛傳云吡化也吡吡爲僞茲
與譌通楚辭九歎若青蠅之僞質兮王逸注云僞猶
變也義亦與鴛同鴛亦譌也方俗語有輕重耳方言
又云楚鄉謂鴛曰鴛凡狡獪之人多變詐故亦謂之
鴛也卦化古聲亦相近故卦有化義
繫辭傳云剛柔相推而生變化是也

釐孳使顛匹耦孳也

釐孳使顛者方言陳楚之間凡人鬻乳而雙產謂之
釐孳秦晉之間謂之健子自關而東趙魏之間謂之
孳生堯典傳云乳化曰孳釐連語之轉釐孳猶言連
生方言娵耦也娵與釐亦聲近義同健亦連也衆經
音義卷十七引倉頡篇云孳一孳兩子也說文作孳
徐錯傳云孳猶連也呂氏春秋疑似篇云夫孳子之
相似者其母常識之太元元悅兄弟不孳范望注云
重生爲孳孳亦雙也語之轉耳顛之言聯絲也方言
顛雙也南楚江
淮之間曰顛

捫梗爽猛也

攔梗爽者方言攔梗爽猛也晉魏之間曰攔韓趙之
閒曰梗齊晉曰爽小爾雅攔忿也昭十八年左傳今
執事攔然授兵登陴服虔注云攔然猛貌也說文攔
武見引衛風淇與篇瑟兮憫兮義亦與攔同梗之言
剛也漢書王莽傳云絳侯杖朱虛之鯁鯁與梗通梗
各本訛作梗今訂正昭三年左傳二惠競爽杜預注
云競彊也爽明也七年傳云用物精多則魂魄強是
以有精爽至於神明義與猛竝相近爽訓為猛故
謂之爽鳩鷹也鵟十七年左傳爽鳩氏司寇也杜注
云爽鳩鷹也鵟故為司寇主盜賊是其義也

媵庇寓羈餉侂寄也

媵庇寓餉侂者方言餉託庇寓媵寄也齊衛宋魯陳
晉汝潁荊州江淮之間曰庇或曰寓寄會為餉凡寄
為託寄物為媵又云媵託也爾雅庇廕蔭也高誘注
呂氏春秋懷寵篇云庇依媵也依廕即寄託之義襄
三十一年左傳云大官大邑身之所庇也說文餉寄
會也隱十一年左傳云使餉其口於四方侂與託同

害曷胡盍何也

皆一聲之轉也。害，曷一字也。周南葛覃篇：害漘，害不。毛傳云：害，何也。釋文：害，與曷同。益者，爾雅：益，曷也。管子戒篇云：益不出從平。小稱篇云：闕不起為寡。人壽乎？秦策云：益可忽乎哉？竝字異而義同。

薄怒文農勉也

薄怒者，方言：薄，勉也。秦晉曰：薄故其鄙語曰：薄努，猶勉努也。南楚之外曰：薄努。郭璞注云：如今人言努力也。李陵與蘇武詩云：努力崇明德，努與怒通。故方言云：努，猶怒也。文讀為恣，說文：恣，強也。玉篇云：自勉，強也。爾雅：疊，勉也。大戴禮：五帝德篇云：疊，勉也。綱為紀，司馬相如封禪文云：旻旻穆穆，君子之能旻旻，即疊，疊也。旻旻與恣亦同義。農，猶努也。語之轉耳。洪範云：農用八政，謂勉用八政也。呂刑云：稷降播種，農勉嘉穀，謂勉勉嘉穀也。五帝德篇云：使后稷播種，務勤嘉穀，義本呂刑也。襄十三年左傳云：君子尚能而讓其下，小人農力以事其上。管子大匡篇云：耕者用力，不農有罪無赦。此皆古人謂勉為農之證。解者多失之。

歸餉饋綖問遺也

歸亦饋也聘禮君使卿韋弁歸饔餼五牢鄭注云今
文歸或為饋綖者說文贈終者衣被曰綖士喪禮君
使人綖與視同漢書朱建傳作視荀子大略篇云
貨財曰賄賄與馬曰賄衣服曰綖玩好曰賄玉貝曰賄
賄賄所以佐生也贈綖所以送死也太平御覽引春
秋說題辭云綖之為言遺也公羊傳隱元年注及士
喪禮注同植曰未仕者不敢稅人注云稅謂遺于人
物義亦與綖同歸饋遺綖聲並相近遺問語之轉耳
問者鄭風女曰雞鳴篇雜佩以問之曲禮以
弓劍苞苴簠笥問人毛傳鄭注並云問遺也

刊剝剝剝剝削也

剝

刊者說文刊剝也雜記刊其柄與末鄭注云刊猶削
也刊各本訛作升惟影宋本不訛剝者說文剝刊也
商子定分篇云有敢剝定法令損益一字以上罪从
不赦逸周書和寤解云豪末不掇將成斧柯掇與剝
通剝者衆經音義卷十引倉頡篇云剝截也剝者韋
昭注漢書敘傳云剝削也李善注燕城賦引倉頡篇

云鑿削平也說文鑿平鐵也召南甘棠篇勿剪勿伐韓詩翦作刻齊策云刻而類破吾家木華海賦云鑿臨崖之阜陸刻鑿聲義並同則者卷一云刪斷也斷與削義相近則者說文刪刮也刮亦削也爾雅釋詁釋文引廣雅刪削也今本脫刪字

貝親倛譯覩形覲儀兒見也較

貝者說文貝見也倛者堯典其工方鳩倛功傳云倛兒也譯者方言譯傳也譯見也郭璞注云傳言語即相見案見者著見之義義謂傳宣言語使相通曉也齊風載驅箋云圍明也義與譯相近形者鄭注樂記云形猶見也覲之言閃也廣韻引倉頡篇云覲覲視兒說文覲暫見也引哀六年公羊傳覲然公子陽生今本覲作闕何休注云闕出頭貌釋文云闕見貌說文闕馬出門兒又云睽暫視兒睽私出頭視也闕頭門中也太元薈初一薈復睽天不覲其軫范望注云睽窺也劇次三鬼睽其室注云睽見也禮運龍以爲畜故魚鮪不忿鄭注云忿之言閃也正義云閃或見或不見也大戴禮誥志篇云龍至不閃風降忘翼是

凡言閃者皆暫見之義也儀兒皆見於外者故爲見也形儀兒三字同義較者卷四云較明也曹憲晉角明亦見也太元元推云君子小人之道較然見矣衆經音義卷十一引廣雅較見也今本脫較字

寥圻空繆晴嵒淵滂彌邃幽暗窈窕藏井培淡也

坑

寥與繆同義文選高唐賦寥窈窕冥李善注云寥寥空虛貌魯靈光殿賦窈寥窈窕以崢嶸注云寥窈崢嶸皆幽淡之貌釋名尻廖也尻所在廖半淡也說文廖空虛也繆空谷也滂清淡也義並相近空者說文空空大也从穴乙聲今人謂撲穴爲空義取諸此也晴嵒者說文晴嶸也嶸嵒晴嶸也釋訓云崢嶸淡冥也楚辭遠遊篇云下崢嶸而無地兮高唐賦云俯視晴嶸窈窕寥窈冥漢書西域傳云臨崢嶸不測之淡並字異而義同滂者說文滂窈窕下也檀弓云滂其宮而豬鬣楚辭天問川谷何滂王逸注云滂淡也周語云彼唐汚庫以鍾其美汚與滂通說文小池爲汚隱三年左傳潢汚行潦之水義亦同也彌者商頌殷武篇衆入其阻毛傳云衆淡也衆與彌通邶風匏有苦葉篇有淵濟盈傳云淵淡水也淵與彌亦聲近義同邃者說

文遂淡遠也。玉藻云：前後邃延，幽者爾雅。幽，淡也。小雅伐木篇云：出自幽谷，暝亦幽也。語之轉耳。文強如泉賦：稍暗暗而靚淡。李善注云：暗，暗淡空之貌。說文：點，淡黑也。義與暗亦相近。窮者，說文：窮，淡遠也。列子：力命篇云：窈然無際。莊子：知北遊篇云：窅然空然。楚辭：九歌：杳冥兮羌晝晦。注云：杳，淡也。窅，窅窅並通。窳者，說文：窳，淡肆極也。窳與窳通。合言之，則曰窳窳。說文：窳，窳窳也。釋訓云：窳窳，窳窳也。西都賦云：又杳窳而不見陽。魯靈光殿賦云：旋室嫺嫺，以窳窳。漢書：祭祀志注：引封禪儀記云：石壁窳窳，如無道徑。並字異而義同。藏者，韓詩外傳云：窳窳其戶，不入其中。安知其與藏之所在？藏猶淡也。故考工記：梓人必淡其爪。鄭注云：淡，猶藏也。井者，雜卦傳云：井，通也。通與淡義相近。培者，方言：培，淡也。郭璞注云：培，克淡能大雅：蕩篇：曾是培克。釋文云：培，克聚斂也。漢書：郊祀志：見地如鉤狀。培，視得鼎。顏師古注云：培，謂手把土也。說文云：今鹽官入水取鹽，曰培。皆淡之義也。坑者，玉篇：坑，呼決切。淡也。空也。亦作窳。說文：窳，空兒。坑，窳並與穴同義。集韻：類篇並引。廣雅：坑，淡也。今本脫坑字。

叔季幼稚孩雛少也

叔少一聲之轉爾雅云父之弟弟先生為世父後生為叔父又云婦謂夫之弟為叔白虎通義云叔者少也釋名云仲父之弟曰叔父叔少也又云姦客也老者稱也叔少也幼者稱也爾雅釋魚鮐鮐鮐陸機毛詩疏鮐作叔云大者為王鮐小者為叔鮐召南采蘋傳云季少也白虎通義云季者幼也釋名云叔父之弟曰季父季癸也甲乙之次癸最在下季亦然也月令季春之月鄭注云季少也周官山虞斬季柎鄭注云季猶穉也特牲饋食禮挂于季指鄭注云季小也是凡言叔季者皆少之義也雛者爾雅雉之暮子為雛郭璞注云晚生者今呼少雛為雛說文作雛釋言云雛雛也玉篇云雛雛雛也揚雄蜀都賦云雛雛初乳左思吳都賦云巖穴無研雛鷗蒼無雛鷗鷗鹿子也鷗與雛同鷗與雛聲義亦相近

稀稂闊遠疏也

稀者說文稀稂疏適稀也適晉滴玉篇稀稂疏稂然也周官遂師抱磨鄭注云磨者適歷執紼者召也

疏云謂千人分布於六特之上稀疏得所名為適歷也適歷疊韻字故因以為地名春秋昭三十一年季孫意如會晉荀躒于適歷是也文選登徒子好色賦解脣歷齒李善注云歷猶疏也古詩云衆星何歷歷義並與

環同

環麗壓搏飾竊著也

環者貫之著也說文環貫也成二年左傳環甲執兵吳語服兵環甲韋昭杜預注並與說文同衆經音義卷十七引賈逵注云環衣甲也高誘注淮南子要略云環貫著也麗者附之著也說文麗草木相附麗土而生也字通作麗亦作離宣十二年左傳射麋麗龜杜預注云麗著也小雅小弁篇不屬于毛不離于裏屬離皆著也壓者楚辭七諫厭白玉以為面兮王逸注云厭著也厭與壓通搏者聚之著也曲禮云毋搏飯竊亦附之著也爾雅釋草藟藟竊衣齊民要術引孫炎注云似芹實如麥兩兩相合有毛著人衣故曰竊衣

類圖 圓 相圖 也

各本俱脫圓字莊子庚桑楚篇釋文引廣雅環圖也
環與圖同又類圖圓圖四字諸書並訓為圖今據以
補正類者開元占經歲星占篇引淮南子天文訓注
云規者員也規類圓員並通圖曹憲音還說文圓圖
全也圖者說文圓規也玉篇音似沿切圓之言旋也
司馬彪注莊子達生篇云旋圖也說文標圖案也鏃
圖鏃也方言炊鏃謂之匠郭璞注云漉米鏃也漉米
鏃亦器之圓者旋圖標鏃匠五字並音似沿反其義
一也圓曹憲音旋各本脫去圓字其音內旋字遂誤
入圖字下考玉篇廣韻集韻類篇圖字並與旋同音
今據以補正相者玉篇音涓云梳謂之相孟陽也方
言云梳謂之相快亦器之圓者也曹憲音沿爾雅環
謂之捐捐與相亦同義圖者玉篇圖圖也論衡變動
篇云果蓏之細員圖易轉說文篇判竹圖以盛穀也
衆經音義卷四引倉頡篇云篇圖倉也釋名云圖以
草作之團團然也圖與篇同說文輪藩車下庫輪也
輪亦器之圓者圖輪並音市緣反其義一也孟子告
子篇性猶湍水也趙岐注云湍者圓也謂湍湍潏水

也。湍與圖亦聲近義同。

壤。堦。埃。堅。坐。座。埽。坎。塵。也。埽。

堦者宋玉風賦云堀堦揚塵淮南子主術訓譬猶揚堦而弭塵高誘注云堦塵座也楚人謂之堦堦動塵之貌崔謨注莊子大宗師篇云齊人以風塵爲堦堦堅者說文堅座埃也坐者說文坎座也高誘注淮南子齊俗訓云堦坎座也坎與坐同論語公冶長篇糞土之牆不可朽也鹽鐵論非鞅篇奎土之基雖良匠不能成其高竝與坐聲近義同衆經音義卷二引通俗文云埽土曰坐周官草人勃壤用孤鄭注云勃壤紛解者勃與埽紛與坐義亦相近座者說文座塵也楚辭九懷云靈土忽兮座座九歎云愈氛霧其如座埽者玉篇埽塵壤也坎者說文坎座者玉篇埽蒲忽切塵兒廣韻云塵起也揚雄蜀都賦埃教塵拂教與埽通集韻類篇竝引廣雅埽塵也今本脫埽字

詖。諛。號。聲。認。訴。風。諭。告。也。

謨與告聲相近卷一云謨語也語亦告也號者白虎
通義云號者功之表也所以表功明德號令臣下者
也是告之義也替者謂之告也字從日殷聲亦通作
寧漢書高祖紀嘗告歸之田李斐注云告者休謂之
名吉日告凶曰寧哀帝紀云博士弟子父母从子寧
三年後漢書陳忠傳云絕告寧之典記者誠之告也
說文認誠也徐錯傳云今人言誠認是也淮南子繆
稱訓目之精者可以消澤而不可以昭認高誘注云
昭導認誠也不可以教導誠人也鹽鐵論相刺篇云
天設三光以照記照記與昭認同風者詩序云風風
也教也上以風化下下以風刺上鄭箋云風化風刺
皆謂譬喻不斥言也白虎通義云諷諫者知患禍之
萌睹其未然而諷
告也諷與風通

撼敵、賑、菑、衝、稽、儻、配、亢、對、貞、當也

撼者說文撼當也賑各本訛作賑玉篇賑於獻切物
相當也廣韻集韻類篇竝同今據以訂正廣韻又云
賑引與爲價也與傷同說文傷引爲賈也引爲賈謂
引此物以爲彼物之值卽相當之意也菑者說文菑

相當也。市與兩同義。玉篇：市兩並立於安二切。義亦同。衡者，說文：衡，通道也。徐鍇傳云：謂南北東西各有道相衡也。相衡，即相當。海外北經云：首衡南方是也。衡，或作衝。同。稽者，玉篇：稽，計也。當也。周官：小宰聽師田以簡稽。鄭衆注云：稽，猶計也。合也。合，即計當之意。褚少孫續三王世家云：維稽古稽者，當也。當，順古之道也。僊者，方言：臺，匹也。東齊海岱之間，曰臺。自關而西，秦晉之間，物力同者，謂之臺。亦相當之意也。臺與僊通。亢者，襄十四年左傳：晉禦其上，戎亢其下。杜預注云：亢，猶當也。秦策：天下莫之能亢。高誘注云：亢，當也。也。仇與亢通。亦通作抗。貞之言丁也。爾雅云：丁，當也。洛誥：我二人共貞。馬融注云：貞，當也。楚辭：離騷，攝提貞于孟陬兮。戴先生注亦云。

聾聵矇眊聵聵也

聾聵者，方言：聾，聵聵也。半聵，梁益之間謂之聵。秦晉之間，聽而不聰，聞而不達，謂之聵。生而聵，陳楚江淮之間，謂之聵。荆揚之間，及山之東西，雙聵者，謂之聵。郭璞注云：聵，言胎聵煩憤也。聵，言無所聞，常聵耳也。

馬融廣成頌云子野聽聳離朱目眩漢繁陽令楊君
碑云有司聳昧莫能識察聾者方言聾之甚者秦晉
之閒謂之聾吳楚之外郊凡無耳者亦謂之聾其言
聾者若秦晉中士謂墮耳者明也注云聾言聾類無
所聞知也說文聾聾耳也聾無知意也聾明聾聲義
並相近聾者集韻聾耳中聲也凡聽而不聰聞而不
達者耳中常聾然故謂之聾也聾各本訛作聾今
訂正聾猶聾也語之轉耳說文聾生聾也晉語聾聾
不可使聽衆經音義卷一引賈逵注云生聾曰聾法
言問明篇云吾不見震風之能動聾聾也說文類
類不聰明也此即郭璞所云聾類無所聞知聾類並
音五怪反其義同也聾聾聾三字並從耳各本訛從
目今訂正

約縛紉緯韞耜檀繡緝掇團摻輶紳紘帶咎纒纏紆葉
微束也

縛者周官羽人十羽爲審百羽爲搏十搏爲縛鄭注
云審搏縛羽數束名也爾雅曰一羽謂之箴十羽謂

之縛百羽謂之縛其音相近也一羽則有名蓋失
之矣孫炎注爾雅與鄭意同此是記束羽之數故一
羽不得有名而郭璞乃云凡物數無不從一為始爾
雅不失周官未為得失其義矣襄二十五年左傳云
閭邱嬰以帷縛其妻而載之昭二十六年傳以幣錦
二兩縛一如瑱杜預注云縛卷也考工記鮒人卷而
縛之鄭眾注云縛讀為縛一如瑱之縛謂卷縛革革
也縛與縛通輪人陳篆必正鄭注云篆穀約也義亦
與縛同紐者說文紐系也一日結而可解王逸注九
歎云紐結束也管子樞言篇云先王不約束不結紐
緯者夏小正農緯厥耒傳云緯束也釋名云緯圍也
反覆圍繞以成經也圍與束同義故說文束從口木
口亦圍也韜束聲相近故韜訓為束玉篇韜韜也韜
亦束也內則斂簞而褐之鄭注云褐韜也褐與韜通
稠與下圍字同說文稠秦束也齊語稠載而歸韋昭
注云稠秦也管子小匡篇作攜哀二年左傳羅無勇
麋之杜預注云麋束縛也釋文麋邱隕反稠圍麋聲
近義同今俗語猶謂束物為稠矣檀猶纏也語之轉
耳玉篇檀禾束也縹者說文縹束也引墨子節葬篇
云禹葬會稽桐棺三寸葛以縹之顏師古注漢書宣

廣雅疏證

卷第三上

三

帝紀云襁卽今之小兒繃也今俗語猶云繃小兒矣
繹者玉篇音古本切廣韻又胡本切說文繫繫也從
束囙聲徐鍇傳云束縛繫繫之名爾雅百羽謂之繹
釋文引埤倉云繹大束也穆天子傳云天子於是載
羽百繹漢書揚雄傳提申椒與茵桂兮顏師古注云
提大束也繹繫提並通又與捆聲相近也繫者衆經
音義卷十三引埤倉云繫圖係也又引通俗文云束
縛謂之繫莊子人間世篇繫之百圍文選過秦論注
引司馬彪注云繫帛也漢書陳勝傳度長繫大顏師
古注云繫謂圍束之也荀子非相篇云不揣長不契
大繫契繫並通邶風擊鼓篇从生契闊韓詩云契闊
約束也契猶繫也闊猶括也故小雅車輶篇德音來
括韓詩云括約束也繹者衆經音義卷五引舍頌篇
云繹束也束服傳塲之經不繹坐鄭注云繹當爲不繹坐之
之坐者檀弓衣衰而繹經鄭注云繹當爲不繹坐之
繹說文繹縛殺也漢書外戚傳卽自繹从鄭氏注云
繹自縊也繹與繹通說文从糾繹也其草之相糾
者也義亦與繹同輶者說文輶車軸縛也小畜九三
輶車下縛也紳者韓子外儲說篇云書曰紳之束之

宋人有治者因重帶自紳束也鄭注內則云紳大帶所以自紳約也玉藻釋文云紳木亦作申紳之言申也衛風有狐傳云帶所以申束衣淮南子道應訓約車申帳高誘注云申束也說文云申七月陰氣成體自申束也是紳與申同義紃者士冠禮贊者卒紃鄭注云卒紃謂繫屬之說文紃冠卷也周官弁師玉笄朱紃鄭注云朱紃以朱組爲紃也紃一條屬兩端於武大射儀鼓倚于頌磬而章三光高注云紃編磬繩也淮南子原道訓紃宇宙而章三光高注云紃維也若小車蓋四維謂之紃繩之類考工記輪人云良蓋弗冒弗紃是凡言紃者皆系束之義也帶者釋名帶帶也著於衣如物之繫帶也是束之義也帶與紳同義故白虎通義云所以必有紳帶者示敬謹自約整也答者楚辭招魂秦篝齊縷鄭綿絡些王逸注云絡縛也絡與客通縷者釋器云縷條也周官屨人爲赤縷黃縷士冠禮青紃縷純鄭注並云縷縫中紃也疏云謂牙底相接之縫綴條於其中亦系束之義也縷與縷同紃者玉篇紃挂也中約也莊子天地篇方且爲物紃釋文引廣雅紃束也說文該軍中約也義與紃亦相近葉者說文葉小束也從束升聲齊民要術云川

麻策欲小縛欲薄玉篇云禾十把曰秭策秭聲義竝同徵者說文徵衰幅也文選思元賦揚雜鎔之桂徵李善注引爾雅婦人之徵謂之綰今本作緯郭璞注云卽今之香纓也緯邪交落帶繫於體因名爲緯是束之義也說文又云徵三糾繩也坎上六係用徵纆馬融注云徵纆索也劉表注云三股爲徵兩股爲纆文選解嘲徵以糾纆李善注引服虔云徵縛束也徵與緯聲亦相近

鑑鏡光景皚臨耀照也

皚臨者方言皚臨照也說文臨監臨也大雅皇矣篇云臨下有赫

帝禘祥審諱諦地諱也

帝者鄭風君子偕老傳審諦如帝正義引春秋運斗樞云帝之言諦也說文獨斷白虎通義風俗通義及後漢書李雲傳並云帝諦也獨斷云能行天道事天審諦也諦與諱同禘者說文禘諦祭也文二年公羊傳注云禘猶諦也審諦無所遺失說苑脩文篇云禘者諦也諦其德而差優劣也後漢書張純傳云禮說

禘之爲言諦諦定昭穆尊卑之義也祥與詳通諱諦者方言慙諦審也齊楚曰慙秦晉曰諦又云諱諦誤也吳越曰諱諦地者爾雅釋地釋文引禮統云地施也諦也應變施化審諦不誤也白虎通義與禮統同釋名云地諦也五土所生莫不審諦也

緡縣義麗設布張爲戲施也

緡縣一聲之轉方言緡縣施也秦曰緡趙曰縣吳越之閒脫衣相被謂之緡縣郭璞注云相覆及之名也說文亦云吳人解衣相被謂之緡大雅抑篇言緡之絲毛傳云緡被也義並同麗者多方不克開于民之麗顧命其麗陳敷則肄傳並云麗施也士喪禮設決麗于挈鄭注與傳同呂氏春秋貴卒篇云荆國之法麗兵於王尸者盡加重罪發戲施聲並相近

遲晏後盱穉晚也

盱亦晏也說文盱日晚也襄十四年左傳曰盱不召史記衛世家集解引服虔注云盱晏也穉亦遲也說

リウマチ

五

מבוא

同也。指亦搭也。方俗語轉耳。批與下批字同。說文批。反手擊也。莊十二年左傳批而殺之。莊子養生主篇批大卻道大款。釋文並符迷蒲穴二反。嵇康琴賦云。觸批如志。批聲義並同。境者說文。境中擊也。拍者說文。拍拊也。釋名云。拍搏也。以手搏其上也。莊子天下篇云。推拍腕。斷韓子功名篇云。一手獨拍。雖疾無聲。惚惚者。方言。惚。推也。南楚凡相推搏。曰惚。或曰惚。列子黃帝篇云。攬惚挨抗。抗。張衡西京賦云。徒搏之。所撞。惚。標者。說文。標。擊也。玉篇音匹。叫乎堯。怖交三切。哀十。曰。年左傳。長木之斂。無不標也。杜預注。與說文同。史記莊子傳。剝削儒墨。正義云。剝猶攻擊也。剝與標同。漢書韓信傳。有一漂母。哀之。韋昭注云。以水擊絮。曰漂。擊餘響。飛騰相同。文選洞簫賦。聯縣漂擊。李善注云。漂。擊餘響。飛騰相同。擊之貌。漂。擊一聲之轉。故擊謂之標。亦謂之擊。水中擊絮。謂之激。亦謂之漂矣。標者。廣韻。爆。擊聲也。西京賦。流鏑撓爆。薛綜注云。撓爆。中聲也。爾雅。暴虎。徒搏也。暴與爆聲近。義同。拓者。釋言云。拓。搏也。搏。拍拊也。竝聲。近義同。拓者。釋玉篇音大。昆切。集韻類篇。引廣雅作。撮。急就篇。盜賊繫囚。擗。答。擗。亦箴字也。顏師古注。以臂為。勝。失之。

說文段擊聲也義亦與般同揚者後漢書陳寵傳注
引聲類云揚笏也史記李斯傳云揚掠千餘後漢書
虞延傳云加笏二百戴就傳云每上彭考李賢注彭
卽笏也揚笏彭並通按者說文挨擊背也列子攬秘
挨攬釋文云挨推也攬者說文挨擊也逸周書武稱
解云窮寇不格格與攬同抵者說文抵衣上擊也搏
者玉篇搏拳擊也攬音口果反各本攬訛作攬口果
訛作口果考說文玉篇廣韻集韻類篇俱無攬字玉
篇攬口果切卷二云攬推也推與擊同義說文攬研
治也攬治猶言窮治亦謂擊問罪人也集韻類篇並
云攬擊也今據以訂正攬者說文攬擊也學記云叩
之以小者則小鳴叩之以大者則大鳴墨子公孟篇
云扣則鳴不扣則不鳴敏叩並通敵者玉篇敵敵
擊也定八年公羊傳臨南駟馬何休注云擿馬銜走
也敵駟並音索董反其義同也搏各本訛作搏文選
羽織賦注長楊賦注長笛賦注及衆經音義卷六卷
十四並引廣雅搏擊也今據以訂正攬者玉篇音口
大切伐也擊也廣韻同衆經音義卷五引三倉云攬
數相擊也拊者堯典予擊石拊石傳云拊亦擊也士
禮云婦人拊心吳瑄本無數拊二字有對字各本

有拊字無數字蓋各本則脫去數字吳本則數拊二字合譌爲一對字也今訂正上文已有拊字此拊字當作擊字之誤也玉篇擊擊兒也宣二年公羊傳以斗擊而殺之何休注云擊猶擊也擊謂旁擊頭項廣韻引倉頡篇云撼拂著也又指撼也出通俗文捍者說撼者廣韻云撼拂著也又指撼也出通俗文捍者說文捍兩手擊也上文已有撻字此撻字當作撻亦字之誤也撻卽今擲字也說文撻投也史記荆軻傳引其匕首以撻秦王燕策撻作提漢書吳王濞傳皇太子引博局提吳太子顏師古注云提擲也音徒計反提與撻聲近義同攷者說文攷攷也唐風山有樞篇弗鼓弗考毛傳云考擊也考與攷通莊子天地篇金石有聲不考不鳴淮南子詮言訓作弗叩弗鳴考叩語之轉耳擊者說文擊旁擊也莊子至樂篇云擻以馬擻擻與擊同擻者方言沅浦澠幽之語相椎擻曰擻郭璞注云今江東人亦名椎爲擻音晃列子擻擻挨抗釋文云擻撻打也西京賦竿笏之所擻畢薛綜注云擻畢謂擻撻也擻與擻聲近義同攷之言拂也說文拂過擊也擻者皋陶謨夏擊鳴球馬鄭注並云夏擻也漢書司馬相如傳射游臬擻裴遽張注云擻

指也。操者說文操拘擊也。玉篇音側交切。搗與撼聲相近。玉篇音所有切。廣韻又音蕭。字通作蕭。楚辭九歌蕭鍾兮。瑤簫擊也。瑤與搖通動也。招魂鍾鍾搖簫王逸注云。鍾撞也。搖動也。是其證矣。擊讀如鍾。搖簫之鍾說文。搗搗頭也。搗擊鍾聲並同。推者說文。推敵擊也。漢書五行志。推其眼。顏師古注云。推謂敵擊去其精也。說文。敵擊頭也。玉篇音口交口。卓二切。說文。敵橫槓也。定二年左傳。奪之杖以敵之。釋文音苦孝。苦學二反。推敵敵聲並同。又與擊聲相近也。應者當之擊也。呂氏春秋察微篇。鄭公子歸生率師伐宋。宋華元率師應之。大棘高誘注云。應擊也。孟子滕文公篇。周公方且膺之。趙岐注云。膺擊也。音義云。膺丁本作應。膺應古聲義並同。驚身謂之膺。義亦同也。剝者幽風七月篇。八月剝棗。毛傳云。剝擊也。釋文剝音卜反。剝與扑聲義同。

興認洩淩翰汗滂淖涌澳滅淦涸濁也

洩認洩淩者枚乘七發云。翰寫洩濁。楚辭九歎云。撥諛諛而匡邪兮。切洩認之流俗。盪漉淩之姦咎兮。平

蠢蠢之涸濁王逸注洪泥垢濁也濃透汚穢也濃與
洩同漢書揚雄傳紛纍以其洪泥兮後漢書張衡傳
激洪忍而為清應劭李賢注並與王逸同汚與汚同
淖者說文淖泥也史記屈原傳云濯淖汚泥之中泥
者說文泥濁也一日河泥也呂氏春秋本生篇夫水
之性清土者相之故不得清高誘注云相讀曰骨濁
也淮南子似真訓云水之性真清而土汨之泥汨相
並通泥各本訛作渥今據曹憲音訂正洪曹憲音於
六反漢書王褒傳去卑辱與潔而升本朝張晏注云
與幽也如淳音郁案與者濁也潔汚也言去卑辱汚
濁之中而升於朝廷也與與洪同故班固典引有沈
而與有浮而清蔡邕注云與與濁也淪者玉篇音奴感
切說文淪濁也

匍綏踰北攻伏也

匍者釋言云匍匍也匍與伏通說文匍手行也匍伏
地也釋名云匍匍小兒時也匍猶捕也藉索可執取
之言也匍伏也伏地行也人雖長大及其求事盡力
之勤猶亦稱之詩曰凡民有喪匍匍救之是大雅
黃淮流登

生民篇誕實旬司左傳昭十三年以蒲伏焉二十一
年扶伏而擊之檀弓引詩扶服救之竝字異而義同
竣者齊語有司已於事而竣韋昭注云竣退伏也張
衡東京賦作竣爾雅釋言注引齊語作遂竣竣遂竝
同踰者廣雅釋言云踰甸也王逸機賦云兔耳踰伏
王延壽魯靈光殿賦云狡兔踰伏於柑側北伏聲相
近太平御覽引尸子云北方爲冬北方伏方也萬物
冬皆伏書大傳同漢書律歷志云太陰者北方北伏
也陽氣伏於下也

材寶綸理魯牖命裕道也

材者學記教人不盡其材鄭注云材道也易曰兼三
材而兩之謂天地人之道也寶者論語陽貨篇懷其
寶而迷其邦皇侃疏云寶猶道也寶與道同義故書
傳多竝舉之禮運云天不愛其道地不愛其寶呂氏
春秋知度篇云以不知爲道以柰何爲寶太元元術
云昨君道也馴臣保也保與寶同綸亦倫字也故管
子幼官圖篇倫理字作綸諸書無訓魯爲道者說文
魯鈍詞也引論語參也魯蓋廣雅本訓魯爲鈍在下

文鉞也一條內後人傳寫誤入此條耳。闕者顧命誕受美若馬融注云美道也正義云美聲近猷故訓爲道老子釋文云美與闕同道謂之闕故道引亦謂之闕大雅板篇天之闕民是也命各本譌作今下文命名也命字譌作今正與此同廣韻命道也周頌維天之命箋云命猶道也今據以訂正臨彖傳云大亨以正天之道也无妄彖傳云大亨以正天之命也昭二十六年左傳云天道不誦二十七年傳云天命不恒是命卽道也裕者方言裕猷道也東齊曰裕或曰猷猷裕闕聲並相近引之云康誥篇用康乃心顧乃德遠乃猷裕乃以民寧不女瑕玼舊以裕字屬下讀裕乃以民寧甚爲不辭三復經文當以遠乃猷裕爲句謂遠乃道也君奭篇云告君乃猷裕與此同下文云乃以民寧不女瑕玼猶云乃以殷民世享耳猷由古字通道謂之猷裕道民亦謂之由裕上文云乃由裕民惟文王之敬忌乃裕民曰我惟有及皆是也解者失其義久矣

厭惡嗾哿倪可也

厭讀當爲厭足之厭說文厭飽也經傳通作厭厭與
慇同義故皆訓爲可曹憲音於甲反失之慇者說文
慇快也燕策云先王以爲慇其志慇與慇同哥可聲
相近小雅正月篇哥矣富人雨無正篇哥矣能言毛
傳竝云哥可也悅者文選神女賦悅薄裝李善注云
悅好也又可也言薄裝正相堪可法言君子篇苟卿
非數家之書悅也至于子思
孟軻說哉音義云悅可也

銅鈞但拙頑銖鈍也

銅者說文銅鈍也鈞猶拙也方俗語轉耳但音癰疽
之疽各本作但音度滿反後人改之也說文但拙也
從人且聲玉篇音七閭祥閭二切引廣雅但鈍也是
廣雅本作但不作但集韻類篇但音疽引廣雅但鈍
也其音卽本於曹憲是曹憲本音疽不音度滿反今
訂正頑者如淳注漢書陳平傳云頑頓謂無廉隅也
頓與鈍同孟子萬章篇云頑夫廉銖者淮南子齊俗
訓其兵戈銖而無刃高誘注云楚人謂刃頓爲銖莊
子戾桑楚篇人謂
我朱恩朱與銖通

歔歔哢哢惻愴愁感悲也

歔者說文歔歔也歔者說文歔歔也方言哢痛也凡哀而不泣曰哢於方則楚言哀曰哢成十六年公羊傳恸矣何休注云恸悲也楚辭九辯云懣懣增歔淮南子說山訓云紂爲象箸而箕子哢歔哢恸並通合言之則曰歔歔衆經音義卷五引倉頡篇云歔歔泣餘聲也楚辭離騷云曾歔歔余鬱邑兮枚乘七發云哢哢煩醒歔與哢亦通歔各本訛作戲惟影宋本不訛哢哢者方言自關而西秦晉之間凡大人少兒泣而不止謂之哢哭極音絕亦謂之哢平原謂啼極無聲謂之哢哢哢與哢同

剝絕髻落也

剝者馬融注剝卦云剝落也鄭注云陰氣侵陽上至於五萬物盡落故謂之剝也漢書五行志說剝卦之義亦云剝落萬物絕者楚辭離騷雖萎絕其亦何傷兮王逸注云絕落也列子仲尼篇云前矢造渾而無絕落髻之言墮落也說文髻髮墮也

湫底以露其體逸周書皇門解云自露厥家管子四
時篇云國家乃路呂氏春秋不屈篇云士民罷路露
路路竝通今俗語猶云敗露矣莊子天地篇夫子闢
行邪無落吾事謂無敗吾事也落與露亦聲近義同
漫淹者方言漫漫淹敗也溼敵爲漫水敵爲淹郭璞注
云皆謂水潦漫漫滂壞物也荀子榮辱篇汚慢矣盜楊
倖注云侵當爲漫漫亦汚也水冒物謂之漫儒行淹
之以樂好鄭注云淹謂浸漬之今俗語猶謂水漬物
爲淹又謂以鹽漬魚肉爲醃義竝相近也穞者刈子
黃帝篇肌色奸黧釋文云黧音每埤倉作穞謂禾傷
雨而生黑斑也穞與黧同今人猶謂物傷溼生斑爲
穞聲如梅物傷溼則敗故穞又訓爲敗釋名云穞不
如禮曰埋埋瘳也趨使腐朽而已也瘳與穞聲義相
近昭十四年左傳云貪以敗官爲墨墨與穞聲義亦
相近也殃者晉語云吾主以不賄聞於諸侯今以梗
陽之賄殃之不可是殃爲敗也月令云冬藏殃敗培
之言腐也玉篇音方九切衆經音義卷十六引埤倉
云培腐也廣韻又芳武切云食上生白毛也皆敗之
義也玉篇培又音步北切云繁也襄十一年左傳培
其國家亦敗之義也路與培通好與朽同尙與敵同

詮錄贅撰訛效備饌具也

爾各本訛作南今訂正挾斯者方言挾斯敗也南楚
凡人貧衣被醜敝或謂之挾斯器物敝亦謂之挾斯
挾與俠通煉與爛通爽者老子云五色令人目盲五
音令人耳聾五味令人口爽列子仲尼篇云口將爽
者先辨潤通楚辭招魂雷雞臠蠋厲而不爽些王逸
注云爽敗也楚人名美敗曰爽始者卷一云始壞也
壞與敗同義賈子道術篇云志操精果謂之誠反誠
爲始衆經音義卷十五引廣雅始敗也今本脫始字

詮者論之具也說文詮具也淮南子要畧云詮言者
所以譬類人事之指解喻治亂之體差擇微言之眇
詮以至理之文而補縫過失之闕者也字亦通作謬
漢書揚雄傳誤以爲十三卷蕭該音義云字林誤音
詮錄者記之具也隱十年公羊傳云春秋錄內而畧
外贅者聚之具也說見下文贅聚也下撰者爲之具
也說文撰具也論語先進篇異乎三子者之撰孔傳
云撰具也楚辭大招聽歌謬只王逸注云謬具也撰
俛誤竝通堯典共工方鳩僝功釋文僝徐音撰馬云
具也僝亦與撰通說文顛選具也顛吳也吳具也竝

與撰聲近義同。訛者玉篇廣韻並讀與庀同。庀治之具也。周官遂師庀其委積。襄五年左傳宰庀家器。鄭衆杜預注並云庀具也。魯語夜庀其家事。韋昭注云庀治也。饌亦撰也。說文饌具會也。或作饌。

𦍋𦍋狼戾恇慙慙也

𦍋者說文𦍋牛很。不從引也。𦍋者玉篇𦍋牛很也。狼戾者說文很。𦍋也。卷四云狼很。𦍋也。𦍋與戾同。狼與戾一聲之轉。燕策云趙王狼戾無親。漢書嚴助傳云今閩越王狼戾不仁。怪者玉篇怪惡性也。論語陽貨篇惡果敢而窒者窒與怪通。言很戾也。馬融訓窒爲塞失之。下文云症惡也。義與怪亦相近。慙慙者宣十二年左傳剛愎不仁。杜預注云愎很也。慙亦怪也。漢書匈奴傳天性忿慙。顏師古注云慙很也。勢亦怪也。漢篇云下愈覆勢而不聽從。趙策云夫知伯之爲人也。好利而勢復。史記酷吏傳贊云馮翊殷周愎勢覆復。愎皆愎之。愎字凡解者失之。愎者說文愎很也。莊子齊物論篇云大勇不愎。

韜含裕容窳窳寬也

韜者南宮縚字容是韜爲寬也淮南子本經訓云小而行大則縚縚而不親大而行小則隱隱而不容韜縚滔竝通含者坤彖傳云含宏光大是含爲寬也容亦裕也卷四云裕容也洪範思曰睿漢書五行志作思心曰容說云容寬也窳窳者窳或作攢昭二十一年左傳鍾小者不窳大者不攢窳則不咸攢則不容杜預注云窳細不滿也攢橫大不入也不咸不充滿人心也不容心不堪容也窳與窳義正相反而此俱訓爲寬者窳爲不滿之寬窳爲橫大之寬大戴禮王言篇云布諸天下而不窳內諸尋常之室而不塞管子宙合篇云其處大也不窳其入小也不塞墨子尚賢篇云大用之天下則不窳小用之則不困荀子賦篇云充盈大字而不窳入卻穴而不偏呂氏春秋適音篇云音太鉅則志蕩以蕩聽鉅則耳不容不容則橫塞橫塞則振太小則志嫌以嫌聽小則耳不充不充則不詹不詹則窳高誘注云窳不滿密也是窳爲不滿之寬也莊子逍遙遊篇瓠落無所容梁簡文帝注云瓠落猶廓落也瓠窳聲相近是窳爲橫大之寬也

親儼傍附切摩鄰比屬局阿侍夾次道迫促近也

儼通作威摩者宣十二年左傳摩墨而還杜預注云摩近也淮南子人閒訛云物類之相磨近而異門戶者衆而難識也磨與摩同馬融注繫辭傳云摩切也鄭注樂記云摩猶迫也義並相近屬者文選西都賦營屬天李善注引韓詩翰飛屬天又引薛君章句云屬附也莊子大宗師篇云女夢爲鳥而厲乎天厲者小爾雅局近也夾者梓材懷爲夾多方爾曷不夾介又我周王傳並云夾通也道義見卷一適急也下適與道同

排擠摧攘抵抵斥擗推也

排者說文排擠也又云推排也少儀云排闥說屢於戶內排者說文擠排也荀子解蔽篇云不好辭讓不敬禮節而好相推擠摧推聲相近說文摧擠也楚辭九思云魁壘擠摧兮常因辱攘者說文攘推也楚辭七諫反離譎而見攘王逸注云攘排也抵者說文抵擠也夏小正抵牾傳云抵猶推也抵者玉篇抵如勇

切推車也說文輶反推車令有所付也呂氏春秋精
通篇云樹相近而靡或輶之也淮南子覽冥訓輶車
奉饌高誘注云輶推也汜論訓相戲以刃者太祖輶
其肘注云輶擠也說文搯推擣也拔搯輶並音如勇
反其義一也斥者衆經音義卷十四引三倉云斥推
也說文斥卻屋也卻與推同義昭十六年左傳云大
國之求無禮以斥之其何曆之有舜者白虎通義云
謂之舜者何舜猶僣僣也言能推信堯道而行之風
俗通義云舜者推也循也
言其推行道德循堯緒也

廿四日未刻點亮時雨停清到冬夏衣共五十件曝于庭氣候爽然已若方矣
廿二午後啟六月廿三日蒙熱昨濟北族姪西序寄到西瓜十八枚花紅一籃

廣雅疏證卷第三上

廣雅疏證卷第三下

高郵王念孫學

釋詁

糧豐蓐臧醇醲渥陸頽厚也

糧通作重蓐臧者方言蓐臧厚也說文蓐陳草復生也又云縹繫采飾也張衡西京賦云采飾縹緇縹與蓐同義引之云文七年左傳訓卒利兵秣馬蓐食杜預注云蓐食早食於寢蓐也漢書韓信傳亭長妻晨炊蓐食張晏注云未起而牀蓐中食案訓卒利兵秣馬非寢之時矣亭長妻晨炊則固已起矣而云早食於寢蓐云未起而牀蓐中食義無取也蓐者厚也食之豐厚於常因謂之蓐食訓卒利兵秣馬蓐食者商子兵守篇云壯男之軍使盛食厲兵陳而待敵壯女之軍使盛食負壘陳而待令是其類也兩軍相攻或竟日未已故必厚食乃不飢亭長妻欲至食時不具食以絕韓信故亦必厚食乃不飢也成十六年傳蓐

會申禱襄二十六年傳秣馬蓐食並與此同凡厚與
大義相近厚謂之敦猶大謂之敦也厚謂之醇猶大
謂之純也厚謂之臧猶大謂之將也陸者爾雅高平
曰陸李巡注云謂土地豐正厚之義也左思蜀都
賦灑泥池而為陸澤劉逵注云蔡邕曰凝雨曰陸爾
雅釋魚魍陸郭璞注云本草云魍狀如海蛤員而厚
義並同也坊記睦於父母之黨鄭注云睦厚也睦與
陸古亦同聲故漢碑和睦字多通作睦類者莊子犬
宗師篇其類類郭象注云類大朴之貌天道篇而類
類然注云高露發美之貌言厚之義也說文煇九達
道也侶龜背故謂之煇
煇高也義與類亦相近

龍利芬尼調庸和也

龍者商頌長發篇何天之龍周頌酌篇我龍受之毛
傳並云龍和也利者說文利銛也從刀和然後利從
利省引乾文言利者義之和也荀爽注云陰陽相和
各得其宜然後利乾彖傳又云保合大和乃利貞周
語云人民歸利表記有忠利之敦後漢書章帝紀利
作和是利與和同義和歸古通用芬者方言芬和也

郭璞注云芬香和調周官鬯人注云鬯釀秬爲酒芬
香條暢於上下也大雅鳧鷖篇云旨酒欣欣播其芬
芬皆芬香和調之意也凡人相和好亦謂之芬荀子
議兵篇云其民之親我歡若父母其好我芬若椒蘭
非相篇云騶欣芬薌以送之皆是也方言紛怡喜也
紛與芬義亦相近尼各本譌作尼隸書尼或作尼因
譌而爲尼今據玉篇廣韻訂正廣雅訓尼爲和蓋本
孝經說邢昺考經正義云劉瓛述張禹之義以爲仲
者中也尼者和也言孔子有中和之德蓋曲說也庸
各本譌作庸廣韻庸和也衆經音義卷二十三二十
五並引廣雅庸和也今據以訂正

輶軌轎輶也

軌者玉篇軌軌輶也輶者漢書嚴助傳輿輶而險領
薛瓚注云今竹輿車也江表作竹輿以行是也輶者
集韻引字林云輶輶也廣韻輶音魂又音輶輶之言
輶軌之言亢輶之言喬輶之言叩皆上舉之意也

獲戮羞恥穀辱也

獲者史記屈原傳云不獲世之滋垢齔然泥而不滓者也獲猶辱也士昏禮注云以白造緇曰辱是也方言荆淮海岱雜齊之間罵奴曰臧罵婢曰獲齊之北鄙燕之北郊凡民男而墮婢謂之臧女而婦奴謂之獲亦辱之義也上文云獲辱汚也獲與獲古亦同聲

肩姘圭潔也

肩者方言肩潔也邶風谷風篇不我肩以酈風君子偕老篇不肩髡也毛傳竝云肩潔也潔與潔通姘者說文姘靜也廣韻云女貞潔也邶風靜女傳云靜貞靜也靜與姘通圭與獨通士虞禮記圭為而哀薦之鄭注云圭潔也引小雅天保篇吉圭為館今本圭作獨周官蠙氏令州里除不獨鄭注云獨讀如吉圭惟圭館之

讒嫉殺慘賊也

讒者荀子脩身篇云傷良曰讒害良曰賊嫉者王逸注離騷云害賢為嫉殺者昭十四年左傳云殺人

忌為賊慘者說文慘賊疾也方言慘殺也慘與慘聲義相近

涂娉妨猛害也

如

娉妨一聲之轉釋言云妨娉也說文妨害也周語云害於政而妨於後嗣妒者王逸注離騷云害色曰妒又逸潘岳馬汧督誅注引廣雅妒害也今本脫妒字

伸舒勃展也

舒勃者方言舒勃展也東齊之間凡展物謂之舒勃

禦禁拔閤坐沈宿蹟矣竣挂礙鋪脾絀呶時棖拘淳憤趯踏捉驥駮踞券止也

疑懲已

按者說文拔止馬也閤者說文各異詞也從口久久者有行而止之不相聽意漢書梁孝王傳太后議格蘇林音閤張晏注云格止也史記集解引如淳注云鼓閤不得下也鼓或作度內則大夫七十而有閤鄭

注云闕以板爲之皮食物也爾雅所以止扉謂之闕
郭璞注云門辟旁長槩也徐鍇說文繫傳云闕門扇
所附著也是凡言闕者皆止之義也凡止與至義相
近止謂之闕猶至謂之格也止謂之底猶至謂之抵
也止謂之訖猶至謂之迄也沈者坎六三險且枕虞
翻注云枕止也釋文云古文作沈諸書無訓矣爲止
者矣疑當作竣爾雅竣止待也是竣與止同義竣者
退之止也齊語有司已於事而竣韋昭注云竣退伏
也張衡東京賦作竣爾雅釋言注引齊語作逡逡
逡並同周語其有悛乎韋昭注云悛止也悛與竣亦
聲近義同挂與礙同義說文礙止也鋪脾者方言鋪
脾止也疏證云詩大雅匪安匪舒淮夷來鋪言爲淮
夷之故來止與上匪安匪遊淮夷來求文義適合舊
說讀鋪爲痛謂爲淮夷而來當討而病之失於迂曲
鋪脾一聲之轉方俗或云鋪或云脾耳漢書天文志
暑長爲潦短爲旱奢爲扶鄭氏注云扶當爲蟠齊魯
之閒聲如鋪鋪扶聲近蟠止不行也案齊魯言蟠聲
如鋪與鋪聲亦相近也琳之言禁也說文琳止也止
有安善之意故字之訓爲止者亦訓爲善卷一云休
戾善也此云琳止也爾雅云琳微善也微戾止也朱

戾也皆其證矣。必與處同。按音遇。爾雅遇止也。遇與
咬同。咬又音案。爾雅按止也。按與咬亦同時者。說文
時踞也。玉篇云。爾雅室中謂之時。時止也。列子湯問
篇。五山常隨潮波。止下往還。不得暫時。時與時同。引
之云。玉篇引爾雅室中謂之時。今本作時。時與時聲
近而義同。大雅縣篇曰。止曰時。箋云。時是也。曰可止
居於是。正義曰。如箋之言。則上曰為辭。下曰為於也。
案經文疊用曰字。不當上下異訓。二上字皆語辭。時
亦止也。古人自有複語耳。爾雅爰曰也。曰止曰時。猶
言爰居爰處。爾雅又云。雞棲于弋為桀。擊垣而棲為
塹。王風君子役篇。釋文塹作時。棲止謂之時。居止
謂之時。其義一也。莊子逍遙遊篇。猶時女也。司馬彪
注云。時女猶處女也。處亦止也。爾雅止待也。廣雅
待逗也。待與時亦聲近而義同。待又通作時。廣雅
離待也。方言崕作萃。待作時。皆古字假借。或以時為
待之譌。非也。崕者距之止也。說文距止也。說見釋言
檉距也。下。檉檉距距。並同。拘者說文拘止也。淳通作
停。慣者損象傳。君子以懲忿窒欲。釋文云。窒鄭黠作
慣。慣止也。慣與窒通。趣之言畢也。說文趣止行也。周
官隸僚掌蹕宮中之事。鄭衆注云。蹕謂止行者清道。

卷第三下

五

楚獵者。楚之言擁。獵之言濃。皆盛多之意也。方言。獵
 多也。南楚凡大而多謂之獵。或謂之獵。凡人語
 言過度及妄施行亦謂之獵。後漢書崔駰傳。紛獵。塞
 路。李賢注。引方言。獵盛多也。獵與獵通。盛與賊通。練
 者。方言。凡物賊而多。齊宋之郊。楚魏之際。曰。駭。史記
 陳涉世家云。駭。頤涉之爲王。沈沈者。楚人謂多爲駭。
 駭與練同。今人問物幾許。曰。幾多。吳人曰。幾駭。語之
 轉也。發之言委積也。玉篇。音於果切。廣韻。又烏禾切。
 燕人云。多也。發與練聲亦相近。發之言兼該也。玉篇。
 多也。大也。亦作彥。彥者。爾雅。彥多也。釋文。邠本。
 作彥。商頌。邠篇。倚與邠通。邠者。爾雅。桑扈篇。受福不邠。
 傳。並云。邠多也。邠與邠通。邠者。周南。桑扈篇。邠斯羽。
 說。說。毛傳云。說。說。衆多也。釋文。說。說。文作彥。又說。
 文。說。馬衆多兒。小雅。皇皇者華篇。駭駭征夫。毛傳云。
 駭。駭。衆多之貌。晉語。引詩作華華。楚辭。招魂。注。引作。
 佚佚。莊子。徐無鬼篇。禍之長也。茲華。李頤注云。華多。
 也。說文。姓。衆生。並立之兒。大雅。柔柔篇。姓。姓。其鹿。毛。
 傳云。姓。姓。衆多也。說文。桑。衆盛也。引逸周書。桑疑。且。
 事。並字異。而義同。舜。古。通作浮。大雅。江漢篇。江漢浮。
 浮。毛傳云。浮。浮。衆。衆。兒。小雅。角弓篇。雨雪浮浮。大雅。

生民篇。烝之浮浮。爾雅作煇煇。郭璞注云。氣出盛義。並相近也。爾雅哀多也。哀與辨亦聲。近義同。效者。玉篇音章。移之。鼓二切。復初九。无祗悔。九家本作效。文選而京賦。清酤。效李善注。引廣雅。效多也。效。玉篇音丁。舍切。漢書陳勝傳。夥涉之爲王。沈沈者。應劭音展。舍反。聲與效相近也。僉怒者。方言僉夥也。又云。自關而西。秦晉之間。凡人語而過曰僉。東齊謂之劔。或謂之弩。弩猶怒也。皆盛多之意也。爾雅僉皆也。義與多亦相近。與者。周官與司馬注云。與衆也。植謂蕃植也。字通作植。義見卷一。植積也。下。夠者。玉篇夠苦侯切。多也。廣韻同。方言凡物。賊而多。謂之寇。寇與夠聲近。義同。文選魏都賦。繁富夥。夠李善注。引廣雅。夠多也。廣韻。夠去其切。引廣雅。夠多也。集韻。類篇並同。今本脫夠。夠二字。

蓐榮蓐萃攢髮蒿傑叢蓄都薄蘊崇灌雜茨贅榛林屯

集宗族洿總翕葉輪會積聚也

府

蓐之言。攢聚也。說文。蓐。叢草也。玉篇。作紐切。云。蓐。草叢生也。張衡而京賦云。蓐蓐蓬茸。南都賦云。森蓐。

葦而刺天。楚辭離騷紛總總其離合兮。王逸注云：總，猶傳傳。聚貌也。揚雄甘泉賦云：齊總總搏搏其相。腰薦兮。說文：傳聚也。噉聚語也。小雅十月之交篇：噉。杏背憎毛。傳云：噉，猶噉。噉，杏猶杏。是言葦者，皆聚之義也。咸十六年左傳：躡甲而射之。杜預注云：躡，聚也。躡與葦亦聲。近義同。案者：文選藉田賦注引倉頡篇云：葦聚也。哀十三年左傳：佩玉綦兮。杜預注云：綦，然服飾備也。廣韻：葦，草木叢生兒。楚辭離騷：貫薜荔之落葉。劉逵注：蜀都賦云：藥者，或謂之葦，或謂之實。一曰：葦，鬚頭點，皆聚之義也。葦者，大雅行葦篇：敦彼行葦，毛傳云：敦，聚貌。特牲饋食禮：佐食搏黍投祝。葦，各本訛作葦。惟影宋本不訛。橫者，文選而都賦注引倉頡篇云：橫聚也。卷大記：君嬭用斬橫至于上。鄭注云：橫，猶葦也。敦與葦同。史記司馬相如傳云：鑽羅列聚叢以龍井兮。鑽與橫通。說文：橫，積竹杖。一曰：叢木皆聚之義也。又云：橫聚也。亦與橫聲近。義同。橫各本訛作橫。橫俗作橫。遂譌而為楷。文選顏延之應詔觀北湖田收詩注：引廣雅：橫聚也。今據以訂正。變之言總也。叢也。說文：叢，斂足也。離騷：醜其飛也。變兩雅。

作獾郭璞注云竦翅上下也陳風東門之枌篇越以
禮邁鄭箋云禮總也周官掌客注云聘禮曰四秉曰
筥十筥曰稷稷猶束也說文稷布之八十縷也字亦
作縷史記孝景紀云令徒隸衣七縷布西京雜記云
五絲爲縷倍縷爲升倍升爲絨倍絨爲紀倍紀爲縷
爾雅縷謂之九段九段魚罔也郭注云今之百囊
罟是也玉篇縷馬鬣也髮毛亂也漢書司馬相如傳
凌三變之危顏師古注云三變三峯聚之山也爾雅
云豕生三獾犬生三獾說文獾生六月豚也一曰一
歲曰獾尚叢聚也是凡言變者皆聚之義也都之言
豬也禹貢大野既豬彭蠡既豬茨波既豬史記夏本
紀竝作都都豬皆聚也僖十六年穀梁傳云民所聚
曰都薄者釋草云草莢生爲薄莢與叢同楚辭九章
露申辛夷丛林薄兮王逸注云叢木曰林草木交錯
曰薄淮南子原道訓隱于榛薄之中高誘注云莢木
曰榛漢草曰薄皆聚之義也蘊崇者蘊說文作蘊積
也酒誥矧曰其敢崇飲傳云崇聚也義見卷一蘊崇
積也下崇宗聲相近故皆訓爲聚也灌者爾雅云灌
木叢木又云木族生爲灌族叢一聲之轉周南島覃
篇集于灌木大雅皇矣篇其灌其樹毛義竝與爾雅

同夏小正五月啟灌藍蓼傳云灌也者藁生者也笑
義見卷一茨積也下贅者說文贅最也隨元年公羊
傳會猶最也何休注云最聚也漢書武帝紀毋贅聚
如淳注云贅會也會最聚並同義大雅桑柔篇具贅
卒荒毛傳云贅屬也正義云贅猶綴也謂繫綴而屬
之長發云爲下國綴旒襄十六年公羊傳曰君若贅
旒然是贅綴同也孟子曰太王屬其耆老書傳曰贅
其耆老是贅爲屬也屬與聚亦同義榛者老書傳曰
也淮南子原道訓木處榛巢高注云聚木曰榛莊子
徐無鬼篇逃乎淡蓼蓼與榛通漢書揚雄傳枳棘之
榛榛兮顏師古注云榛榛梗穢貌說文蓼草盛貌周
南桃夭篇其葉蓼蓼毛傳云蓼蓼至盛貌楚辭招魂
蝮蛇蓼蓼王逸注云蓼蓼積聚之貌義並同也榛各
本譌作榛今訂正林者說文平土有叢木曰林周語
林鍾和展百事俾莫不任肅純恪也韋昭注云林衆
也言萬物衆盛也皆聚之義也宗者衆之所主故爲
聚也喪服傳云大宗者尊之統也大宗者收族者也
族者白虎通義云族者族也聚也謂恩愛相流湊也
上湊高祖下至元孫一家有吉百家聚之生相親愛
外相哀痛有會聚之道故謂之族族湊聚聲並相近

凡聚與衆義相近故衆謂之宗亦謂之林聚謂之林亦謂之宗聚謂之蒐猶衆謂之搜也聚謂之都猶衆謂之諸也聚謂之哀猶多謂之哀也聚謂之灌猶多謂之觀也洿者水所聚也衆經音義卷八引三倉云亭水曰洿隱三年左傳潢汚行潦之水服虔注云畜小水謂之潢水不流謂之汚汚與洿通諸書無訓總爲聚者總當作總說文總聚束也總本作總與總字相似故總訛作總曹憲音思失之也翕葉者方言攜翕葉聚也楚謂之攜或謂之翕葉楚通語也爾雅翕合也合亦聚也淮南子原道訓云大渾而爲一葉累而無根是葉爲聚也說文葉草木之葉也亦叢聚之義也又說文鏐鏐也徐鍇傳云今言鐵葉是也案今人猶謂鐵片爲鐵葉亦取叢集之義鏐與葉同音鏐與集同音集葉皆聚也故鏐又謂之鏐矣卷一云鏐積也鏐與葉亦聲近義同輸者說文輸委輸也史記平準書云置平準于京師都受天下委輸木華海賦云於鄆靈海長爲委輸皆聚之義也府者呂刑惟府辜功傳云聚罪之事魯語皆怨府也韋昭注云怨之所聚故曰府隱七年左傳正義引風俗通義云府聚也公卿牧守府道德之所聚也藏府私府財貨之所

聚也。衆經音義卷二十一卷二十三並引廣雅府
聚也。各本皆脫府字。今補。又羶字重出。今刪。

主戌門獸守也

主者。序卦傳云。主器者莫若長
子。獸守聲相近。說文獸守備也。

餘凡總同皆也

餘者。昭二十八年左傳。謂知徐吾趙朝韓固魏戊。餘
子之不失職。能守業者也。杜預注云。卿之庶子爲餘
子。逸周書。穰匡解。餘子務藝。孔晁注云。餘衆也。論語
雅也。篇云。其餘則日月至焉而已矣。是餘爲皆其之
詞也。成十五年公羊傳。魯人徐傷歸父之無後也。何
休注云。徐者。皆其之辭也。徐與餘亦聲近。義同。總各
本訛作綸。文選顏延之車駕幸京口侍遊蒜山詩注。
引廣雅。總皆也。衆經音義卷二十二引廣雅。凡總皆
也。今據
以訂正。

修欽略遺句越抑截撤撥對繕傳列疏均貌攻捲荆搖

寢亂理澡治也

舉

歟各本訛作執歟隸或作執故訛而爲執說文籀窮
治卑人也從奉人言竹聲或省作執玉篇廣韻竝同
今據以訂正文王世子告于甸人鄭注云告讀爲鞠
讀書用法曰鞠史記李斯傳云令鞠治之酷吏傳云
訊鞠論報竝字異而義同略者說文略經略土地也
禹貢岷夷既略是其義也傳云用功少曰略失之道
者論語學而篇道千乘之國包咸注云道治也甸者
大雅桑柔篇其下侯甸毛傳云甸均也字通作洵爾
雅洵均也郭璞注云謂訓均是治之義也周官均人
凡均力政以歲上下豐年則公甸用三日焉中年則
公甸用二日焉無年則公甸用一日焉鄭注云甸均
也讀如螢螢原照之螢易坤爲均今書亦有作甸者
甸均聲義竝同故小爾雅亦云甸治也越者周語汨
越九原宅居九隩汨越皆治也說文汨治水也越與
汨聲相近故同訓爲治猶越與曰之同訓爲于也說
苑指武篇云城郭不脩溝池不越是越爲治也韋昭
注訓越爲揚失之抑者孟子滕文公篇禹抑洪水而
天下平趙岐注云抑治也荀子成相篇云禹有功抑

下場截者衆經音義卷十三引廣雅作截大雅當武
篇截彼淮浦毛傳云截治也商頌長發篇海外有截
鄭箋云截整齊也王肅注云四海之外截然整齊而
治撤者大雅公劉篇徹田爲糧崧高篇徹申伯土田
毛傳並云徹治也徹與撤通撥者商頌長發篇元王
恒撥哀十四年公羊傳撥亂世反諸正楚辭九章孰
察其撥正毛傳何注王注並云撥治也諸書無訓對
爲治者對當爲討隸書言字或從篆文作言與對字
左畔相似故討訛作對說文討治也玉篇廣韻竝同
籍者衆經音義卷七引三倉云籍治也隱元年左傳
云籍甲兵傳者孟子滕文公篇堯獨憂之舉舜而敷
焉趙岐注云敷治也引禹貢禹敷土敷與傳同故史
記夏本紀作傳土今本孟子敷下有治字後人取注
義加之也疏與理同義謂分治之也孟子滕文公篇
云禹疏九河詢貌者方言詢貌治也吳越飾貌爲詢
或謂之巧郭璞注云謂治作也說文詢匠也小爾雅
匠治也淮南子人閒訓云室始成詢然善也說文
頌儀也籀文作貌是詢貌皆爲治也貌各本作貌乃
隸書之訛今訂正攻者鄭注周官瘍醫云攻治也甘
誓云在不攻于左搖療者方言搖療治也江湘郊會

謂醫治之曰搖或曰療注云俗云厥搖病搖與搖通
 說文療治也陳風衡門篇可以樂飢鄭箋樂作療韓
 詩外傳作療竝字異而義同說文藥治病草也大雅
 板篇云不可救藥襲二十六年左傳云不可救療療
 搖藥竝同義搖療之同訓為治猶遙遠之同訓為遠
 耀燎之同訓為照聲相近故義相同也搖曹憲音亦
 咲反各本亦咲反三字誤入正文內咲字又誤作咲
 方言搖療治也注搖音曜正與亦咲反相合今據以
 訂正亂者爾雅亂治也皋陶謨云亂而敬澡者治去
 垢也說文澡洒手也儒行云澡身而浴德菴服藻麻
 帶經鄭注云澡者治去荦垢菴服小記帶澡麻鄭注
 云澡丰治麻為之正義云謂夏率其麻使潔白也墾
 者玉篇廣韻竝云墾耕也治也周語云土不備墾爾
 雅釋訓釋文及文選海賦注竝引廣雅墾治也今本
 脫墾字

側匿蹙縷瘕瘕縮撝縷縮也

側匿者說文朔而月見東方謂之縮朒漢書五行志
 云晦而月見而方謂之朒朔而月見東方謂之仄匿

仄憲則侯王其肅朕則侯王其舒劉向以爲朕者疾也君舒緩則臣驕慢故曰行遲而月行疾也仄驕者疾不進之意君肅急則臣恐懼故曰行疾而月行遲不敢迫近君也劉歆以爲舒者侯王展意願事臣下促急故月行疾也肅者侯王縮躬不任事臣下弛縱故月行遲也周官保章氏疏後漢書蔡邕傳注文遲月賦注引書大傳並作側匿太平御覽引鄭注云側匿猶縮縮行遲貌縮躬側匿仄驕並聲近而義同禮次八云冠戚胛戚胛音子六反戚胛與側匿亦聲近而義同戚即戚胛之戚說文縮臙也小雅節南山傳蹙蹙靡所騁鄭箋云蹙蹙縮小之貌成十六年左傳云南國蹙蹙哀公問云孔子蹙然辟席而對論語鄉黨篇云取路如也並字異而義同蹙與縮古亦同聲故儀禮古文縮皆作蹙蹙各本謬作蹙或謬作蹙今訂正蹙者司馬相如子虛賦蹙積蹙縮張注云蹙蹙也漢書董仲舒傳曰朕月削孟康注云朕謂蹙蹙也蹙與蹙通蹙者衆經言義卷十五引通俗文云蹙小日蹙淮南子天文訓月外而蹙蹙蹙高誘注云蹙肉不滿也太平御覽引此蹙作蹙又引許慎注云蹙減蹙也今俗語猶謂物不伸曰蹙矣蹙亦蹙也樂記其

哀心感者其聲唯以殺鄭注云唯歔也史記樂書索隱云鄭誕生音將妙反又樂記志微唯殺之音樂書唯殺作焦衰漢書禮樂志作癯瘁顏師古注云癯瘁謂減縮也音子笑反魏策云衣焦不申頭塵不浴並字異而義同撝讀如抽絲之抽謂縮取之也說文撝蹴引也撝引也或作抽撝是撝與縮同義縮古通用縵曹憲音而充反說文縵衣威也威讀與賊同素問生氣通天論云大筋縵短小筋弛長史記天官書云其己出三日而復有微入入三日乃復盛出是謂更太元更云陽氣能剛能柔能作能休見難而縮范望注云更而自縮故謂之更義與縵同考工記弓人薄其幫則需鄭注云需謂不充滿釋文需人充反義亦與縵同

贅受人獲德營得也

德者樂記云禮樂皆得謂之有德德者得也鄭飲酒義云德也者得於身也大戴禮盛德篇云能得德注者為有德說文作惠同營者楚辭天問何往營班祿不但還來王逸注云營得也

變苗憍怙倨傲侮慢傷也

變之言慢易也史記夏紀集解引馬融禹貢注云變慢也禮簡怠慢來不距去不禁也王制正義引風俗通義云君臣同川而浴極爲簡慢變者慢也憍古通作驕怙者說文怙驕也又云墟驕也呂氏春秋審應竟使人戰者嚴駟也高誘注云嚴尊也駟驕也淮南子繆稱訓云矜怙生於不足嵇康幽憤詩云侍愛肆姐竝字異而義同傷古通作易

樹莖幹宗祖貽猴吳素葆科本也

原樞

樹莖幹諸字爲根本之本葆科爲本葆叢生之本莖幹皆枝之本也漢書禮樂志云五莖英華茂也六莖及根莖也文選魏都賦注引宋衷樂動聲儀注云五莖能爲五行之道立根本也是莖爲本也考工記謂劍本爲莖義亦同也幹各本譌作幹白虎通義云幹者本也文選文賦注及衆經音義卷二卷十七竝引廣雅幹本也今據以訂正宗祖者晉語禮之宗也韋昭注云宗本也管子戒篇云孝弟者仁之祖也高誘

廣雅疏證

卷第三下

十一

注淮南子原道訓云祖宗皆本也。賁者業也。若今人
所謂本錢也。玉篇云賁本作錯。說文錯業也。史記平
準書云。筭輶車賈人緡錢皆有差。漢書武帝紀。初筭
緡錢。李斐注云。緡絲也。以貫錢也。一貫千錢。出筭二
十也。賁。錯。緡。竝通。猴。曹憲音侯。各本猴作賁。因上賁
字而誤。音內侯字。又訛作候。集韻類篇。賁。下遘切。引
廣雅。賁。本也。則宋時廣雅本已然。考玉篇云。賁。龍貝
出南海。廣韻云。賁。賁。貪財之兒。皆不訓爲本。方言。猴
本也。郭璞音侯云。今以鳥羽本爲猴。說文。猴。羽本也。
玉篇。廣韻。竝音侯。九章算術。粟米章。買羽二千一百
猴。劉徽注云。猴。羽本也。數羽稱其本。猶數草木稱其
根株。今據以訂正。素者。列子天瑞篇云。太素者。質之
始也。易乾鑿度同。鄭注云。地質之所本始也。蓀。訓爲
本。謂草木叢生本蓀然也。玉篇。蓀字注云。本蓀。草叢
生也。本或作蓀。張衡西京賦云。蓀蓀蓬茸。釋言云。蓀
蓀也。釋訓云。蓀蓀蓀蓀。茂也。說文。蓀。草盛兒。呂氏春
秋。審時篇云。得時之稻。大本而莖。蓀。漢書武五子傳
頭如蓬蓀。顏師古注云。草叢生曰蓀。蓀本一聲之轉。
皆是叢生之名。蓀猶苞也。小雅斯干篇。如竹苞矣。毛
傳云。苞。本也。鄭箋云。時民殷衆。如竹之本生矣。本。蓀。

即叢生故以叢衆言之爾雅云苞蕪茂豐也又云苞
檳也孫炎注云物叢生曰苞齊人名曰檳是苞與葆
同義科者釋言云科叢也葆與叢同檳者淮南子原
道訓還反於樞高誘注云樞本也文選洞簫賦注引
廣雅原本也衆經音義卷四卷十四十七
十八並引廣雅樞本也今本脫原樞二字

庾索略祈謏訶乞勾拊藪練請募樞求也

庾略者庾與按同方言按略求也秦晉之間曰按就
室曰按於道曰略略施取也襄四年左傳季孫曰略
杜預注云不以道取曰略索者說文索人家按也經
傳通作索謏訶者說文謏流言也廣韻云流言有所
求也說文復營求也復與謏同義說文訶知處告言
之也史記淮南王安傳爲中訓長安徐廣注云訓伺
候采察之名也急就篇云乏興猥逮訓謏求訓謏聲
相近訓與謏之同訓爲求猶通與復之同訓爲遠也
募者說文募廣求也吳子圖
國篇云簡募良材以備不虞

揣獨陶拂蕪埽寫雪擊摒獲捫耘撥祓除也辟

搗者說文搗剋也剋刊也刊與除同義說文搗字注云一曰搗度也集韻類篇搗搗並楚委丁果二切是搗與搗聲義同也拂者曲禮進几杖者拂之鄭注云拂去塵大雅生民篇弗厥豐草韓詩作拂云拂弗也弗弗並與拂通糞掃者糞猶拂也語之轉耳昭三年左傳云小人糞除先人之敝廬說文糞棄除也垂掃除也埽垂也周官隸僕掌五寢之埽除糞洒之事少儀云汜埽曰埽埽席前曰拊糞垂拊並通寫之言瀉也抑風泉水篇以寫我憂毛傳云寫除也又小雅蓼蕭篇我心寫兮毛傳云輪寫其心也周官稻人以澮鬲水皆除去之意也雪者呂氏春秋不苟論雪設之取高誘注云雪除也雪之言刷也晏子春秋諫篇景公刷涕而顧晏子列子力命篇作雪涕擊者玉篇音步波步丹二切潘岳射雉賦擊場拄翳徐爰注云擊者開除之名謂除地爲場也擗音必政必郢二反字通作屏大雅皇矣篇云作之屏之拊者說文磚拔田草也籀文作蕪或作蓀引周頌良耜篇既蓀茶蓼今詩作以薺茶蓼又說文瞍字注引漢律瞍田蓀草並字異而義同今俗語猶云拊草矣耘者小雅甫田篇或耘或耔毛傳云耘除草也耨者史記太史公自序

云秦撥去古文焚滅詩書說文發以足蹋夷草也又
云鐙兩刃有木柄可以刈草讀若撥義並相近也祓
者說文祓除惡祭也周官女巫巫掌歲時祓除實浴大
雅生民篇以弗無子鄭箋云弗之言祓也祓除其無
子之疾而得福也檀弓云巫先拂柩祓與拂弗亦通
祓畢本吳本訛作拔胡文煥本又訛作拔惟影宋本
皇甫本不訛辟者文選上林賦注引薛君韓詩章句
云辟除也大雅皇矣篇云啟之辟之衆經音義卷二
十一引廣雅辟除也今本脫辟字

蹲踖屨啟肆踞也

蹲踖者說文蹲踞也淮南子說山訓云蹲踞而誦詩
書南山經箕尾之山其尾跋于東海郭璞注云跋古
蹲字說文又云交倨也蹲踖交並同字倨與踞通跋
與下屨字同亦通作夷論語憲問篇原壤夷俟焉融
注云夷踞也賈子等齊篇云絨屨蹲夷王延壽魯靈
光殿賦云卻負載而蹲踖啟者爾雅啟跪也小雅四
牡篇不遑啟處毛傳訓與爾雅同跪與踞皆有安處
之義故啟訓爲跪又訓爲踞采薇篇又云不遑啟居
賁准荒登

方言云子猶與也此又予與二字互訓之證矣歛者
卷一云歛欲也歛爲欲而又爲與乞爲求而又爲
與貸爲借而又爲與稟爲受而又爲與義有相反兩
實相因者皆此類也歛與乞聲相近故亦訓爲與句
者漢書面域傳我句施貧民貸者說文貸施也文十六
漢書竇武傳云句施貧民貸者說文貸施也文十六
年左傳云宋饑竭其粟而貸之誣譖謂相阿與也方
言誣譖與也吳越曰誣荆齊曰譖與猶秦晉言阿與
也玉篇譖匿也匿卽阿與之意裨與下裨字同義方
言裨子也說文裨接益也稟者說文稟賜穀也漢書
文帝紀吏稟當受鬻者顏師古注云稟給也分者韋
昭魯語注云分子也越猶及也爾雅及與也大誥云
大誥爾多邦越爾御事是也以者召南江有汜篇云
不我以又云不我與鄭箋云以猶與也乞者漢書朱
買臣傳云糧用乏上計吏卒更
乞句之各本句字重出今刪

闕需乎罍突窳繆豁垆邱窳廊虛粿紫科空也

闕者缺之空也玉篇云闕闕無門戶也釋言云罍缺
也罍與闕聲近義同需之言瓏玲也說文樛樛間子

也徐鍇傳云卽今人闌楬下爲橫櫓也說文輪車轄
問橫木也楚辭九辯倚結輪兮長太息字亦作答釋
名答橫在車前絨竹作之孔答答也定九年左傳載
蔥靈賈遠注云蔥靈衣車也有蔥有靈蔥與蔥同靈
與櫓同楚辭九章乘舫船余上沅兮王逸注云舫船
船有牕牖者說文籠答也是凡言需者皆中空之義
也需各本作需玉篇廣韻並云需古文靈字夏竦古
文四聲韻云靈古尚書作鳳崔希裕纂古作需需靈
案鳳卽篆文需字訛而爲需又訛而爲靈爲需皆俗
書也當從需爲正平零者玉篇平零小空兒廣韻云
平零小網也義並相近零與需義亦相近也突者說
文突穿也玉篇云穿也空也或爲朕閑又云闕閑無
門戶也說文朕孔也廣韻疾瘡裏空也義並相近寮
者說文寮穿也衆經音義卷一引倉頡篇云寮小空
也張衡西京賦云交綺豁以疏寮玉篇蓬草木莖葉
疏也廣韻錄有孔鑊也義並相近繆者說文廛空虛
也繆空谷也老子寂兮寥兮河上公注云寥空無形
也楚辭遠遊篇云上寥廓而無天漢書司馬相如傳
寥作嶠九辯云沈寥兮天高而氣清朱慶兮收潦而
水清義並相近也豁者說文豁通谷也司馬相如哀

二世賦通谷礎乎徐衍，與豁同。說文：窾，空大也。談
若詩：施罟或戕，今詩作施。罟，目也。義竝相近。目，大魚目。
云：地，罟，淡也。淡與空義相近。故漢謂之坤，亦謂之罟。
空謂之罟，亦謂之坤矣。邱者，昭十二年左傳：是能讀
三墳五典八索九邱。延篤注：引張平子說云：九邱，周
禮之九刑邱。空也。空設之也。漢書：息夫躬傳：寄居邱
亭。顏師古注云：邱，空也。公孫宏傳云：客館邱虛而已。
賈逵說九邱云：九州，公國之戒。孟康注：楚元王傳云：
西方謂之女壻，爲邱壻。義竝相近也。窾者，莊子：養生
主篇：道大窾。崔謨注云：窾，空也。漢書：司馬遷傳：實不
中其聲者，謂之窾。服虔注云：窾，空也。窾與窾通。爾雅：
鼎，款足者，謂之窾。郭璞注云：鼎，曲脚也。案：款足，猶空
足也。漢書：郊祀志：鼎空足曰窾。蘇林注云：足中空，不
實者，名曰窾。是其證矣。空窾，一聲之轉。空之轉爲窾，
猶空之轉爲款。論語：泰伯篇：云：空窾，一聲之轉。空之轉爲款，
居篇云：吾寧憫憫款款朴以忠乎。款款，亦空也。窾
者，高誘注：淮南子：精神訓云：廓虛也。管子：輕重乙篇：
云：廓然虛素者，魏風伐檀篇：不素餐兮。毛傳云：素，空
也。科者，說卦傳：其於木也，爲科。上槁，釋文云：科，空也。

史記張儀傳虎賁之士跼踣科頭集解云科頭謂不著兜鍪入敵也亦空之義也說文窠空也一曰鳥巢也穴中曰窠樹上曰巢孟子離婁篇盈科而後進趙岐注云科坎也義竝相近科與窠聲亦相近高誘注淮南子原道訓云窠空也讀科條之科

移賈恤施夷說狄假變奪敷也

此條敷字有二義移賈諸字爲變易之易夷說爲平易之易易與敷通施讀當如施于中谷之施周南葛覃傳云施移也大雅皇矣篇施于孫子鄭箋云施猶易也延也喪服傳絕族無施服鄭注云在旁而及曰施義竝相同爾雅弛易也郭璞注云相延易弛與施亦聲近義同夷者說文彳行平易也通作夷爾雅夷易也周頌天作篇岐有夷之行有客篇降福孔夷毛傳竝與爾雅同說亦謂平易也字通作倭春秋莊十年冬公會齊侯盟于柯公羊傳云何以不日易也何休注云易猶倭易也相親信無後患之辭天作箋云岐邦之君有倭易之道是倭與夷同義奪者堯典云八音克諧無相奪倫

繁殷員宗旅接卉林苗風邱諸衆也 猥

殷者夏小正浮游有殷鄭風溱洧篇殷其盈矣傳並
云殷衆也員讀若云說文員物數也春秋楚伍員字
子胥爾雅僉咸胥皆也是衆之義也說文貳物數紛
貳亂也孫子兵勢篇云紛紛紜紜釋名云雲猶云云
衆盛意也義並與員同說文覲外博衆多視也讀若
遲覲與員亦聲近義同宗者同人六二同人于宗楚
辭招魂室家遂宗荀爽王逸注並云宗衆也爾雅道
八達謂之崇期文選蜀都賦注引孫炎注云崇多也
多道會期於此崇與宗亦聲近義同旅者爾雅旅衆
也接者魯頌泮水篇束矢其接毛傳云接衆意也說
文同爾雅蒐聚也義亦與接同卉之言彙也爾雅卉
草夏書禹貢正義引舍人注云凡百草一名卉是衆
之義也林者說文平土有叢木曰林周語林鍾和展
百事俾莫不任肅純恪也韋昭注云林衆也言萬物
衆盛也白虎通義云六月謂之林鍾何林者衆也萬
物成熟種類衆多也苗者法言重黎篇云秦楚播其
虐於黎苗後漢書和熹鄧皇后紀以贍黎苗李賢注
引廣雅苗衆也漢成陽靈臺碑云躬行聖政以育苗

萌邱者孟子盡心篇云得乎邱民而為天子莊子則陽篇云邱里者合十姓百名而以為風俗也釋名云四邑為邱邱聚也皆眾之義也猥者文選盧諶贈劉琨詩注引許慎淮南子注云猥總凡也管子八觀篇以人猥計其野尹知章注云猥眾也漢書溝洫志水猥盛則放溢顏師古注云猥多也長笛賦山水猥至注引廣雅猥眾也又魏都賦注盧諶贈劉琨詩法及後漢書馮異傳注引廣雅竝同今本脫猥字

有常沁沁性質也

常者說苑脩文篇云常者質也性者莊子庚桑楚篇云性者生之質也春秋繁露演察名號篇云性者質也漢書董仲舒傳云質樸之謂性禮器增美質鄭注云質猶性也資質謂之性形質亦謂之性楚語云若體性勇有首領股肱至於手拇毛脈

司典尙質魁敵掌擬阼主也

尙之言掌也高誘注淮南子覽冥訓云尙主也質者曲禮行脩言道禮之質也鄭注云質猶本也本與土

義相近。凡物之本，卽物之主也。襄九年左傳：「要盟無質。」杜預注云：「質，主也。」魁者，檀弓：「不爲魁。」鄭注云：「魁，竊首也。」天文：「北斗魁爲首。」杓爲末。漢書：「游俠傳：閭里之俠，原涉爲魁。」顏師古注云：「魁者，斗之本也。」故言根本者，皆云魁。敵讀爲適。衛風：「伯兮篇：誰適爲容。」毛傳云：「適，主也。」敵適，古多通用。

蹙道薄戇迫也

蹙迫二字義見卷一迫道蹙急也下迫與迫同薄迫古同聲高誘注淮南子本經訓云薄迫也莊十一年左傳云宋師未陳而薄之煇者說文煇迫也爾雅速速蹙蹙惟述鞫也郭璞音義云速迫也速煇聲近義同

[illegible]

齟者說文齟齬也或作齬衆經音義卷二引通俗文云齟啖曰齬宋玉風賦云啗齟噉獲史記灌夫傳云杜門齟舌自殺侯幸傳云鄧通常爲帝齟吮之淮南子脩務訓云齟昨足以齧肌碎骨竝字異而義同齟

者說文齧齧也管子輕重戊篇車穀齧尹知章注云
言車穀相齧也齧與齧同齧者說文齧齧也衆經音
義卷七引倉頡篇云齊人謂齧咋爲齧史記田儼傳
云秦復得志於天下則齧齧用事者墳墓矣齧者說
文齧齧也曲禮云庶人齧之齧者說文齧齧也齧
者說文齧齧也玉篇音口很切今俗語猶然齧者集
韻引字林云齧大齧也齧者玉篇齧齧聲也齧者
玉篇齧齧大齧也齧者說文齧齧也齧者履彖齧履
虎尾不咥人馬融注云咥齧也說文齧齧堅聲也義
與咥同齧者說文齧齧骨也漢書食貨志云易子而
齧其骨齧與齧同今俗語猶云齧骨矣齧者楚辭
招魂虎豹九關啄害下人些王逸注云啄齧也

疆場隄畔界也

場各本訛作場後漢書班固傳注引廣雅場界也衆
經音義卷十三引廣雅疆場界也今據以訂正疆與
同疆

拳天抽掎揠擢拂戎踰拏拔也

舉者說文揅拔取也引離騷朝搗阨之木蘭今本作
舉爾雅荑舉也樊光注云舉猶拔也管子四時篇母
蹇華絕芽莊子至樂篇捷蹇古通用天者管子禁藏篇云
注竝云拔也舉揅捷蹇古通用天者管子禁藏篇云
母天英母折芽天英卽四時篇所云蹇華也持者淮
南子似眞訓疾風拔木而不能拔毛髮高誘注云教
亦拔也覺眞訓云持拔其根持與教通握擢拂戎者
方言握擢拂戎拔也自關而西或曰拔或曰擢自關
而東江淮南楚之間或曰戎東齊海岱之間曰擢郭
璞注云今呼拔草心爲擢孟子公孫丑篇宋人有閭
其苗之不長而擢之者趙岐注云擢挺拔之也排猶
持也方俗語有輕重耳大雅生民篇弗厥豐草韓詩
作拂是拂爲拔也韓子難篇云拔拂今日之从不及
論之言躍拊之言升皆上出之義也方言論拊拔也
出休爲拊出火爲論說文拊上舉也引易拊馬牝吉
今易明夷六二及渙初六拊竝作拯王肅注云拯拔
也子夏作拊艮六二不拯其隨釋文作承淮南子齊
俗訓云子路登溺而受牛謝揚雄羽獵賦云丞民乎
農桑竝字異而義同拊
各本訛作拊今訂正

鋪敝敝拊敝列播莫班賦布也

敝者廣韻音盧敗呂支二切布也陳也昭元年左傳
楚公子圍設服離衛杜預注云離陳也離與敝通掩
與上鋪字同漢書中山靖王傳塵埃拊覆顏師古注
云拊亦布散也敝者說文敝列也經傳通作陳賦者
爾雅班賦也堯典正義引孫炎注云謂布與也大雅
烝民篇明命使賦毛傳云賦布也周官大師注云賦
之言鋪直鋪陳今之政教善惡釋名云敷
布其義謂之賦賦布敷鋪並聲近而義同

抑揜摩攤據按也

按者文選長笛賦按拏揜李善注引廣雅揜按也
又云臧猶抑也摩之言壓也說文壓一指按也莊子
外物篇壓壓其顛釋文壓本亦作摩楚辭九辯自壓按
而學誦壓一作厭韓子外儲說右篇云田連成竅天
下善鼓琴者也然而田連鼓上成竅擗下而不能成
曲其故也淮南子說林訓云使但吹竽使氏厭竅雖
中節而不可聽秦族訓云所以貴扁鵲者貴其摩息
脈血知病之所從生也摩攤壓厭並通攤玉篇音奴

旦切廣韻云按攤也凡抑之使不得起曰攤堯典序德允元而難任人難猶抑也謂進君子而退小人也據者玉藻君賜稽首揀掌致諸地鄭注云據掌以左手覆案右手也案與按通

振質已筭集爲備荆立平構名絃成也造

質者爾雅質成也小雅天保篇民之質矣曲禮寢事毋質毛傳鄭注並與爾雅同已者終事之辭故爲成也然者大戴禮武王踐阼篇云母曰胡殘其禍將然母曰胡害其禍將大淮南子秦族訓云天地正其道而物自然是然爲成也集者小雅黍苗篇我行既集鄭箋云集猶成也爲者晉語黍不爲黍韋昭注云爲成也備者書大傳云備者成也管子宙合篇云多備規軸者成軸也刑成聲相近王制云刑者側也側者成也一成而不可變故君子盡心焉大傳財用足故百志成百志成故禮俗刑鄭注云刑猶成也立者莊子天地篇云德成之謂立平者爾雅平成也公羊氏春秋隱六年鄭人來輸平傳云輸平猶成也構者結成也小雅四月篇我日構禍毛傳云構成也史記黥布傳云事已構名者廣韻引春秋說題辭云名成

廣雅疏證

卷第三下

六

也。絃即絢字也。聘禮記絢組。鄭注云：采成文曰絢。論語：八佾舞雩，素以爲絢兮。鄭注云：文成章曰絢。廣韻云：絃與絢同。絢之或作絃，猶响之或作眩矣。造者，大雅思齊篇：小子有造，王制曰：造士。箋注並云：造，成也。衆經音義卷二十二引廣雅：造，成也。今本脫造字。

歉董儉約姁滅屈屨頗劣虔虧少也

匱

歉者，說文：歉，食不滿也。襄二十四年：穀梁傳：一穀不升，謂之歉。范甯注云：歉，不足貌。韓詩外傳：作饑。廣雅：釋天：作歉。孟子：公孫丑篇：吾何慊乎哉？趙岐注云：慊，少也。逸周書：武稱解云：爵位不謙。田宅不虧。並字異而義同。董讀爲僅，說文：僅，才能也。徐鍇傳云：僅能如此，是才能如此也。又說文：僅，才也。徐鍇傳云：僅能如此，人僅亦守府。韋昭注云：僅，猶劣也。定八年：公羊傳云：僅，然後得免。射義云：蓋廟有存者。呂氏春秋：長見篇：魯公以則至於觀存。高誘注云：觀，裁也。鹽鐵論：通有篇云：多者不獨衍，少者不獨饑。漢書：董仲舒傳：廛能勿失耳。顏師古注云：廛，少也。地理志：董董物之所有，應劭注云：董董，少也。並字異而義同。穀梁傳：三穀不

升謂之僅亦是少劣之意猶一穀不升謂之歉也書
憲讀董為謹失之始經傳通作省頗者略之少也史
記叔孫通傳云臣願頗采古禮與秦儼雜就之少者
說文劣弱也從力少卷二云劣減也虞虞者小雅天
保篇不齊不崩毛傳云齊虧也魯頌閟宮篇云不虧
不崩是齊虧皆少也虞與齊聲近而義同虧與虧同
謂之餽餽與匱通華嚴經卷四十三音義引廣雅匱
少也今本脫匱字

屯 𧰨 蹇 展 訖 尠 懷 畏 憚 𧰨 遘 病 難 也

屯者說文屯屯難也象草木之初生屯然而難引屯象
傳云屯屯剛柔始交而難生𧰨者說文𧰨馬載重難行
也𧰨𧰨𧰨也又云𧰨𧰨也屯六二屯如𧰨如馬融注
云𧰨難行不進之貌漢書敘傳紛屯直與蹇連兮立
字異而義同蹇展蹇蹇相近蹇象傳云蹇難也方言蹇
展難也齊晉曰蹇山之東面凡難貌曰展荆吳之人
相難謂之展若秦晉言相憚矣蹇與蹇同訖者說文
訖頓也頓與鈍同論語顏淵篇仁者其言也訖孔傳

云、訃、難也。釋文：訃字，或作仞。管子制分篇云：凡用兵者，攻堅則勑，乘瑕則神。荀子正名篇外是者，謂之認。楊倞注云：認，難也。並字異而義同。說文：勑，疑車木也。楚辭離騷：朝發軔於蒼梧兮，王逸注云：軔，楫輪木也。義與訃亦相近。趙者，說文：趙，行難也。玉篇音邱謹切。云：行謹兒。廣韻云：跛行兒。義並相近。憎、懷、憚者，方言：憎、懷、憚也。陳曰：懷，郭璞注云：難，畏憚也。說文：憚，忌難也。屯，釋文引賈逵周語注云：難，畏憚也。說文：憚，忌難也。不滑也。方言：謹，吃也。或謂之認。郭璞注云：語認難也。楚辭七諫：言語訥認兮。注云：認者，難也。風俗通：十反篇云：冷澀比，如寒澀。澀與認同。認各本訛作認。今訂正。選者，說文：選，行難也。引蒙初六：以往選。今本作吝。同病者，論語憲問篇：堯舜其猶病諸。孔傳云：病，猶難也。傳十年左傳：爲子君者，不亦難乎。公羊傳：作不亦病乎。

畏諄訖槩蹙戮辜也

諄者，方言：諄，罪也。郭璞注云：謂罪惡也。罪與辜同。康誥云：元惡大憝，懲與諄古聲亦相近。訖者，說文：訖，辜

也引呂刑報以庶說今本作尤王制云鄭罰麗於事
說尤鄭並通彙通作驤細衣引大甲曰天作驤孟子
公係丑篇作驤今
俗語猶云舉驤矣

掛枚斂扱拊叢掄收也

諸書無訓枚爲收者枚當爲救字之誤也救讀若鳩
鳩欲扱叢掄皆謂收聚也爾雅斂收鳩聚也堯典共
工方鳩僝功說文倂字注引作旁救倂功是鳩救古
通用扱者說文扱收也曲禮以箕自鄉而扱之鄭注
云扱讀曰吸謂收糞時也拊者取之收也字亦作拯
周官職幣注云振猶拊也中庸注云振猶收也是拊
與收同義卷一云扱收斂拊取也取與收同義故斂
扱拊又爲收也叢者說文叢聚也掄之言會也周官
弁師王之皮弁會五采玉璫鄭注云故書會作掄鄭
司農云謂以五采束髮也士喪禮曰掄用組乃弁掄
讀與掄同說日以組束髮乃著弁謂之掄今士喪禮
作眷用組鄭注云用組組束髮也是掄爲收束之義
也掄掄眷
會並通

餅餌餽會也

此條會字讀如上農夫會九人之會字本作飢與卷二內咬噬滄餽會也讀如飲會之會者不同衆經音義卷二卷四卷十三並引廣雅餽會也其證餅舊本作餅曹憲音必非反案餅與飯同讀如飯牛之飯謂飢之也玉篇廣韻飯或作餅餅與餅字形相近傳寫往往誤潤韓子外儲說樞餅菜羹爾雅釋言釋文引字林云餅扶晚反飢也方言旅南楚謂之簪郭璞注云盛餅筥也今本餅字並譌作餅正與此同餅與餽飢之義不相近曹憲音必非反非是今訂正餽亦謂飢之也秦策云伍子胥無以餽其口中山策云臣有父嘗餽且从君下壺滄餽之餽者說文萎餽牛也昭二十五年公羊傳且夫牛馬維婁委已者也而柔焉何休注云委會已者楚辭九辯云鳳不貪餽而妄會餽委並通

佐望飢餽候閒覲也

飢者後漢書清河孝王傳使御者偵伺得失李賢注云偵候也音丑政反偵與飢同伺與覲同亦通作司

說各本訛作說案王篇有說字無說字自廣韻始說
作說集韻類篇遂訛說並收玉篇云說觀也譯也卷
四云說驛也字並從先今據以訂正魁者說文魁司
也廣韻音武悲無非二切字通作微大戴禮曾子立
事篇君子行自微也不微人謂自察而不察人也史
記廉頗藺相如傳云趙使人微捕得李牧新之漢書
游俠傳使人微知戚虞顏師古注云微伺問之也
者莊八年左傳使開公杜預注云伺公之問隙孟子
離婁篇王使人謂夫
子關與問聲義相近

朧耦和諧也

朧瞤瞽盲也

大雅雲臺篇朧瞤瞤奏公毛傳云有眸子而無見曰朧
無眸子曰瞤周官瞽瞤鄭衆注云無目瞤謂之瞽有
目瞤而無見謂之瞤有目無眸子謂之瞤釋名云盲
范也范范無所見也瞽鼓也瞤瞤然目平合如鼓
皮也瞤有眸子而失明蒙瞤無所別也瞤瞤壞也

黃雅疏證

卷第三下

三

啜者說文啜嘗也檀弓云啜菽飲水啜啐者說文啜嘗也顧命云太保受同祭啜鄉飲酒禮云啜肺啐酒鄉飲酒義云啜肺嘗禮也啐酒成禮也雜記云小祥之祭主人之酢也啜之衆賓兄弟則皆啐之鄭注云啜啐皆嘗也啜至啐入口啜啐者說文啜小啐也啐小飲也張載注魏都賦云啐小嘗也引司馬相如黎賦啐嗽其漿啐與啐通啐亦啜也方俗語轉耳集韻類篇並引廣雅啜嘗也今本脫啜啐啐三字

批拈薺城拈拈也

批者說文批拈也張衡而京賦批狒狒批窳狻注云批批皆謂戟擻之城者說文城批也拈者說文拈持頭髮也

某命鳴名也

某者金縢云惟爾元孫某凡言某者皆所以代名也命者說文名自命也桓二年左傳命之曰仇命之曰

廣雅疏證

卷第三下

三

成師命即名也史記天官書免七命索隱云謂免星凡有七名也閔元年左傳今名之大以從盈數史記魏世家作命祭法黃帝正名百物魯語作威命百物是名命古同聲同義命各本訛作今文選上林賦注西征賦注燕城賦注陸機挽歌注劉琨勸進表注袁宏三國名臣序贊注王褒四子講德論注蔡邕陳仲弓碑文注並引廣雅命名也今據以訂正鳴者夏小正傳云鳴者相命也春秋繁露漢察名號篇云古之聖人鳴而命施謂之名名之爲言鳴與命也名鳴命古亦同聲同義

採料斟程斟量也

槩

採者說文殊量也又云揣量也度高下曰揣昭三十二年左傳揣高卑釋文音丁果反莊子知北遊篇大馬之捶鐻者年八十矣而不失豪芒司馬彪注云捶者玷捶鐻之輕重也釋文玷丁恬反捶丁果反採殊揣搔並字異而義同玷捶或作故採集韻故採以手稱物也轉之則爲故撥玉篇故撥稱量也今俗語猶謂稱量輕重曰故採或曰故撥矣斟者說文斟量也說見釋器鍾十曰斟下斟各本訛作斟今訂正程

儒行勢蟲擾搏不程勇者鄭注云程猶量也斟者說文斟平斗斛量也月令角斗而鄭注云角謂平之也管子七法篇云斗斛也角量也孫子虛實篇角之而知有餘不足之處魏武帝注云角量也角與斟通樂者說文樂乾斗斛也徐鍇傳云此卽斗斛量樂也考工記栗氏爲量樂而不稅曲禮會樂不爲樂注云樂量也衆經音義卷九引廣雅樂量也今本脫樂字

爻象放視教學效也

爻者繫辭傳云爻也者效此者也又云爻也者效天下之動者也又效法之謂坤古本皆作爻是爻效同聲同義象者說文效象也繫辭傳云象也者像此者也象像聲義亦同教者太平御覽引春秋元命包云天垂文象人行其事謂之教教之爲言效也言上爲而下效也說文教上所施下所效也从攴孛聲孛效也从子久聲爻亦效也諸字義並相通學者書大傳云學效也

蠱繹職幹故士事也

疊者序卦傳云疊者事也。疊之言故也。周官小行人云周知天下之故。故同聲。故皆訓爲事也。釋者。釋典有能。畜廝熙帝之載。史記五帝紀載作事。大雅文王篇上天之載。毛傳云載事也。漢書揚雄傳上天之緯。緯與載通。載者多士。兩厥有。載有年于茲洛。王肅注云。載事也。士者。康誥見士于周。周頌敬之篇。陟降厥士。傳並云。士事也。白虎通義云。士者。事也。任事之稱也。事士載聲並相近。

棲載棚閣棹礎歧也

皆謂度閣也。棲者。人物所棲止。卽度閣之意也。孟子萬章篇二。棲使治朕棲。趙岐注云。棲。牀也。秦策云。猶連雞之不能俱上於棲。棲各本訛作棲。今訂正。載者。卷二云。歧載也。棚礎二字。義見釋宮棚棹閣也。下衆經音義卷十七云。棹三倉作礎。閣者。卷二云。閣載也。史記梁孝王世家。索隱引周成雜字云。歧。閣也。又引通俗文云。高置立歧。棚曰歧。閣。檀弓。始舁之。其餘閣也。與鄭注云。閣。度藏食物。內則大夫七十而有閣。注云。閣。以板爲之。度。食物也。度。底。並與歧同。兩雅支載也。支與歧亦聲近義同。

淨涅塗泥也

淨者傳十五年左右晉戎馬還淨而止杜預注云淨泥也涅者說文涅黑土在水中也論語陽貨篇云涅而不

選納入也

選納者納古通作內堯典云內于百揆賓于四門內于大麓列女傳云內于百揆賓于四門選于林木史記五帝紀云堯使舜入山林川澤選內皆入也選于林木即內于大麓也今本列女傳選于林木下又有入于大麓四字蓋後人不通古訓而妄加之納亦納也方俗語轉耳

取厲役靡僞印方爲也

厲印者方言厲印爲也歐越曰印吳曰厲郭璞注云爾雅曰厲作也作亦爲也鼻陶謨庶明厲翼鄭注云厲作也役者表記君子恭儉以求役仁信讓以求役禮鄭注云役之言爲也役訓作爲之爲又訓夫子爲

衛君之爲牧誓以役面土少儀謂之社稷之役馬鄭注並云役爲也釋文爲于僞反僞者荀子性惡篇云不可學不可事而在人者謂之性可學而能可事而成之在人者謂之僞僞卽爲也堯典平秩南僞史記五帝紀作南爲月令作爲淫巧鄭注云今月令作爲爲詐僞是爲僞古同聲同義

朋黨志右類比也

朋黨右類爲親比之比志爲比密之比說文志慎也从比必聲引大誥無謏于卹又云比比密也密與慎同義故繫辭傳云君子慎密而不出也釋言篇云祕密也祕與志通右者說文右手口相助也助與比義相近襄十年左傳云王右伯與類者釋訓云類類比也法言學行篇類類之黨甚於鵠斯亦賊夫糧食而已矣李軌注云鵠斯羣行啄穀喻人黨比游晏賊害糧食楚語羣神類行韋昭注云類並也說文響匹也皆比之意也黨謂之比亦謂之類數謂之類類亦謂之比義相因也學記比年入學比年猶類年也

賴仰忼依負恃也

仰者荀子議兵篇上足中則下可用也楊倞注云凡古仰字下託上曰仰各本俱脫負字衆經音義卷六引廣雅賴仰依負恃也今據以補正

嬖倖因友愛親也

倖通作幸因者大雅皇矣篇因心則友喪服傳繼母之配父與因母同毛傳鄭注並云因親也周官大司徒孝友睦婣任恤鄭注云婣親於外親也婣與因通愛各本訛作受衆經音義卷十四引廣雅友愛親也今據以訂正

爽曉牟騰軼渡羸邇倨更過也

咎

爽者爾雅爽差也爽忒也郭璞注云皆謂用心差錯不專一方言爽過也郭璞注云謂過差也衛風氓篇云女也不爽曉羸者方言曉過也曉羸也開元占經順逆略例篇引七曜云超舍而前過其所當舍之宿以上一舍二舍三舍謂之羸退舍以下一舍二舍三舍謂之縮項岱注幽通賦亦云羸過也縮不及也考

工記弓人、橋幹欲孰於火而無虞。鄭注云：「虞，過孰也。」逸周書常訓解云：「六極不虞，八政和平。」虞與廬通。年者，楚辭招魂成臬而年，呼五白些。王逸注云：「倍勝曰年。」是過之義也。年，影宋本皇甫本譌作伴，各本又譌作昨。玉篇廣韻並云：「年，過也。」衆經音義卷二引廣雅：「年，過也。」今據以訂正。騰者，楚辭離騷：「騰衆車使徑待。」注云：「騰，過也。」軼，曹憲音逸，各本逸字誤入正文。今訂正。遷者，淮南子倣真訓：「夫貴賤之於身也，猶條風之時麗也。」高誘注云：「麗，過也。」麗與遷通。大射儀：「中離維綱。」鄭注云：「離，猶過也。」獵也。離與遷古亦同聲。徑，與經同。衆經音義卷六卷十八並引廣雅：「咎，過也。」今本脫咎字。

悛懌譁哓改庚輸更也

悛懌者，方言：「悛懌，改也。」自山而東，或曰悛，或曰懌。郭璞注引論語：「悅而不懌。」成十三年左傳：「康猶不悛。」杜預注與方言同。譁，通作革。庚者，漢書律歷志云：「敘更於庚，白虎通義云：「庚者，物更也。」鄭注月令云：「庚之言更也。」秋時萬物皆肅然改更。輸，讀爲渝。左氏春秋隱六年：「鄭人來渝平。」傳云：「更成也。」公羊穀梁傳並作輸。

輪淪古通用爾雅淪變也變亦更也

遁逃腓眺逖令移徙諱避也

逃各本訛作兆今訂正腓者廣韻音符非扶沸二切大雅生民傳云腓辟也班固幽通賦安恬恬而不馳兮曹大家注云庇避也顏師古漢書敘傳注云庇字本作腓腓庇避辟並通張衡東京賦設三乏腓司旌薛綜注引爾雅腓隱也隱與避義亦相近腓各本訛作啡今訂正此者說文此逃也諸書無訓令爲避者當是遷字之訛遷或書作𨔵故說而爲令廣韻遷與還同說文遁遷也是還與避同義爾雅遷徙也遷與移徙亦同義故遁遷移徙四字俱訓爲避也諱者鄭注曲禮云諱辟也

剝脫膳鰾鰾微膚朴皮非違畔渙漭陶遷離也

鰾者內則去其鰾鄭注云鰾謂皮肉之上魄莫也廣韻鰾皮寬也是離之義也鰾者玉篇鰾皮脫也膚朴皮者釋言云皮膚剝也說文云剝取獸革者謂之皮韓策云因自皮而抉眼自屠出腸鄭注內則云膚切

肉也。是皮膚皆離之義也。朴與皮膚一聲之轉。說文。木皮也。又云。柿削木札。朴也。亦離之義也。說文。灼剝龜也。剝朴。上聲。近而義同。憺與攢通。遺者。棄之離也。楚辭。九歌。遺余佩兮。澧浦。王逸注云。遺。離也。莊子。田子方篇云。遺物離人而立於獨。

守恆彌就迨餘脤臄長驚曠久也

守者。墨子經篇云。久。彌異時也。守。彌異所也。守與久所與時並同義。故文十三年公羊傳注云。所。猶時也。彌就者。爾雅。就。終也。郭璞注云。成就。亦終也。又彌終也。注云。終。竟也。終。與久義相近。故彌就。又爲久也。說文。彌。久長也。大雅。卷阿篇云。俾爾彌爾性。彌與彌通。迨者。說文。遲。或作迨。從辵。尸聲。尸。古文夷字。各本迨訛作迨。今訂正。餘者。老子云。脩之於家。其德乃餘。脩之於鄉。其德乃長。長。餘。皆久也。脤者。說文。北方謂鳥脂爲脤。周官。庖人。夏行脤醢。鄭衆注云。脤。乾雉也。乾雉。謂之脤。猶乾肉。謂之脂。脤之言居。脂之言管。皆久之義也。壽者。說文。釋名。並云。壽。久也。曠者。漢書五行志。引京房易傳云。師出過時。茲謂廣。廣與曠同。

畏仇慙患慙凶虐誹謗訛辱咎慙慙慙鉗憚痲瘕羸羸
毒貉倂倂慙慙慙惡也 厲

此條惡字有二義一為美惡之惡一為愛惡之惡昭
七年左傳魯衛惡之杜預注云受其凶惡爾雅居居
究究惡也郭璞注云皆相憎惡是美惡之惡與愛惡
之惡義本相通也慙者說文慙怒也康誥罔不慙侮
云人無不惡之者孟子萬章篇引書作敬荀子議兵
篇云百姓莫不敦惡法言重黎篇楚傲羣策而自屈
其力李軌注云敬惡也敬傲敦並與慙同凡人凶惡
亦謂之慙康誥云元惡大慙逸周書銓法解云近慙
自惡是也方言諄慙所疾也宋魯凡相疾惡謂之諄
慙若秦晉言可惡矣諄與慙聲亦相近諄各本諄作
諄今訂正說通作尤慙者方言慙慙也郭璞注云慙
慙急性也列子力命篇云嗔恒慙慙後漢書董卓傳
傲腸狗態李賢注云言心腸傲惡也續漢書敝作慙
漢司隸校尉楊孟文石門頌云惡中幣狩幣狩與慙
獸同釋名云慙雉山雉也慙慙也性急慙不可生厭
必自殺也潘岳射雉賦云山慙悍害南山經基山有
黃雀流登 上卷第三下

易焉其狀如鷄而三首六目六足三翼其名曰鵩鵩
郭璞注云鵩鵩急性廣韻鵩鵩也鵩鵩亦鳥之惡
者是凡言慙者皆惡之義也周官司弓矢句者謂之
慙弓鄭注云慙猶惡也徐邈音扶滅反慙與慙聲義
亦同故大司寇以邦成慙之故書慙爲慙矣慙者方
言謔咎謔也又云謔痛也說文謔痛怨也宣十二年
左傳云君無怨謔慙者方言慘慙也慙惡也注云慘
悴惡事也玉篇慙慙也義竝相近鉗痲症者方言鉗
痲惡也南楚凡人殘罵謂之鉗又謂之痲注云鉗害
口惡也荀子解蔽篇云強鉗而利口後漢書梁冀傳
性鉗忌注云言性忌害如鉗之鉗物也說文鉗脅持
也皆惡之義也方言注云痲慙惡腹也玉篇痲惡也
飯惡心也急性也飯與痲同定三年左傳莊公下急
而好絜下與痲亦聲近義同玉篇痲惡也慙惡性也
慙與痲同慙又音大結反說文跌蛇惡毒長也爾雅
跌惡注云痲屬大眼最有毒今淮南人呼痲子釋文
跌大結反字亦作慙楊孟文石門頌云惡虫特牠
慙毒慢毒慢謂毒長也跌與慙惡與惡聲義亦同厥
者劣之惡也大戴禮千乘篇云厥醜以貨毒者昭四
年左傳云天或者欲逞其心以厚其毒而降之罰焉

饗論詆

撓

過

課

談

咏

江生

陸
米

还 罪

灰出

也

10

喪者玉篇引聲類云喪誤也論者玉篇論誤言也說文韻視誤也義與論相近詆者說文詆忘也徐鍇傳云言失忘也玉篇廣韻並音跌莊二十五年公羊傳注云跌過度也漢書朱博傳云常戰栗不敢蹉跌皆

廣雅疏證

卷第三下

三

謂失誤也。按曹憲音奪各本遺去。按字其音內奪字。又誤入正文。玉篇廣韻。按字竝徒活。他括二切。徒活。正與奪同音。廣韻。按誤也。遺也。後漢書劉寬傳云。事。容脫誤。文選李康運命論。棄之如脫遺。李善注引廣雅。脫誤也。脫即按之俗字。今據以補正。或云。據文選注所引。則廣雅本作脫。非作按。案文選注所引諸書。凡與本書字異而聲義同者。多改從本書。以以便省覽。此引廣雅。按字作脫。亦是改從本書也。按字經傳不。多見。故須音釋。若脫字。則不須音釋。上文脫離也。釋言篇。脫遺也。曹憲俱無音。而此獨有音。明是脫字。非脫字也。註者玉篇必奚切。廣韻又匹夷切。大傳五者。一物紕繆。鄭注云。紕繆猶錯也。文選解嘲云。故有造。蕭何之律於唐虞之世。則性矣。謹性紕繆。通註者說。文註誤也。韓策云。註誤人主。史記吳王濞傳云。註亂。天下凡見欺於人。謂之誤。欺人亦謂之誤。故自誤。謂之註。亦謂之謬。誤人謂之謬。亦謂之註矣。

評訂準廷枰平也

案中

評者玉篇評平言也。淮南子時則訓是故上帝以爲。物平。高誘注云。平正也。讀評議之評。評與平通。訂者。

說文訂平議也。玉篇音他丁。唐項二切。周頌天作羹云。以此訂大王文王之道。卓爾與天地合其德。釋文訂謂平比之也。引字詁云。訂平也。周官司弓矢注云。恆矢瘳矢。前後訂其行平也。楚辭九歌。寧汀洲兮杜若。王逸注云。汀平也。說文田踐處曰町。徐鍇傳云。言平町町也。鄭風東門之墮。傳云。墮除地町町者。皆平之義也。周官小宰以聽官府之六計。鄭注云。聽平治也。聽與訂聲義亦相近。廷者。廣韻引風俗通云。廷者。平也。漢書百官表。廷尉。顏師古注云。廷平也。治獄貴平。故以爲號。張釋之傳云。廷尉。天下之平也。案廷之言亭也。淮南子原道訓。甘立而五味亭。高誘注云。亭平也。曹憲音于放反。則是讀爲子無我廷之廷。其失甚矣。枰者。說文枰平也。方言。所以投箸謂之枰。或謂之廣平。初學記引通俗文云。牀三尺五曰枰。板獨坐曰枰。釋名云。枰平也。以板作之。其體平正也。枰各本訛作枰。集韻類篇並引廣雅。枰平也。今據以訂正。枰者。說文枰。枰斗斛也。枰平也。徐鍇傳云。枰卽枰也。摩之使平也。韓子外儲說云。枰者。平量者也。月令云。角斗甬正權概。管子樞言篇云。釜鼓滿。則人概之。荀子宥坐篇云。水盈不求概。概與枰同。衆經音義卷九引

廣雅：祭，平也。卷二十五引：廣雅中，平也。今本脫祭中二字。

裨發張闕松摺圻啟闕闕闕磔闕苦闕開也

裨之言，壁也。鬼谷子：裨，闕篇云：裨之者，開也。闕之者，閉也。張衡而京賦：置互，擺牲。薛綜注云：擺，謂破磔懸之。後漢書：馬融傳注引字書云：擺，亦裨字也。周官大宗伯：以福辜祭四方百物。故書：福爲罷。鄭衆注云：罷，辜。披磔牲以祭。裨，擺罷聲義並同。方言：筆，析也。筆與裨亦聲近。義同。闕者，說文：闕，開也。引繫辭傳：闕幽，祛各本訛作裕。卷二內：祛，去也。祛字訛作裕。正與此同。漢書：兒寬傳：合祛於天地神祇。李奇注云：祛，開散也。今據以訂正。莊子：肱，篋篇：肱，篋按：發圓之盜。司馬彪注云：從旁開爲肱。秋水篇：公孫龍口吐而不合。呂氏春秋：重言篇：君吐而不咭。高誘：司馬彪注：並云：吐，開也。祛，肱，吐，古通用。袖口謂之祛。義亦同也。摺者，玉篇音充野切。云：摺，開也。廣韻云：裂，開也。今俗語猶謂裂帛爲摺矣。闕者，說文：闕，闕門也。衆經音義卷七引三倉云：闕，小開門也。又引字詁云：闕，今作闕。魯語：闕門與之言。韋昭注云：闕，闕也。案闕之言，搗也。說文：搗

裂也。搗與闔聲近。義同。闔闔苦者方言。闔苦開也。東齊開戶謂之闔。苦楚謂之闔。漢書兒寬傳云。發社闔門。苦各本譌作苦。惟影宋本皇甫本不譌。磔亦作也。說文。磔。辜也。爾雅。祭風曰磔。信三十一年公羊傳疏引孫炎注云。旣祭披磔其牲。似風散也。磔各本說作磔。今訂正。闔者說文闔大開也。司馬相如上林賦云。豁呀豁闔。方言。杯大者謂之闔。廣韻。闔。大笑也。義並相近。

人也

各本俱脫从字。集韻類篇炳煉。炳續四字注。並引廣雅。友也。則宋時廣雅本已脫去从字。考廣韻云。炳煉。从兒。出廣雅。又炳煉。炳煉。炳煇五字。諸書並訓爲从。今據以補正。炳煉者。玉篇炳煉。从兒。孟子梁惠王篇。吾不忍其穀。餓若無罪而就从地。義與炳煉同。炳煇者。玉篇廣韻並云。炳煇。欲从兒。匡謬正俗云。屈伸欲从之兒。炳各本訛作煇。考玉篇廣韻集韻類篇俱作炳。不作煇。今訂正。煇古通作昏。昭十九年左傳。寡君之。二。三。臣。札。瘥。夭。昏。賈。逵。注。云。短折曰夭。未名曰昏。案昏猶沒也。皋陶謨。下民昏墊。鄭注云。昏。沒也。傳曰。寡。

君之二三臣若未名而舛不得謂之臣矣晉語云君子失心鮮不天昏亦謂晉侯將舛也嬪者玉篇嬪嬪也說文嬪嬪也友者說文友列骨之殘也又云舛漸也人所離也從友人

嬪贊唱引道也

嬪者說文嬪導也字或作嬪又作賓導與道通贊者周語大史贊王韋昭注云贊導也唱與倡通引各本講作引今訂正

貌訇妖佞工媮巧也

貌訇二字義見上文訇貌治也下媮者說文媮巧也爾雅佻媮也楚辭離騷余猶惡其佻巧佻媮一聲之轉媮與媮通

躔踈解达踵鞞軌武行徑轍迹也

躔踈解达者爾雅麋跡躔鹿跡速麋跡解兔跡达跡與迹同說文躔踐也麋鹿迹也麋跡速立通踈從尼

束聲當音桑谷反曹憲音匹迹反所未詳也方言迹
迹也說文迹獸迹也或作屳釋名云鹿兔之道曰亢
行不由正亢陌山谷草野而過也太元居女四云見
豕在堂狗繫之迹張衡東京賦云軌塵掩迹亢屳並
與迹同迹各本皆作亢惟影宋本作迹屳者說文屳
追也徐鍇傳云猶言繼踵也昭二十四年左傳云吳
踵楚踵與踵同鞍者說文鞍車迹也釋名云云從也
人形從之也史記張湯傳言變事蹤跡安起漢書作
從竝字異而義同軌者說文軌車徹也徹與轍同考
工記匠人云涂度以軌軌各本訛作軌文選遊天台
山賦注開居賦注曹植贈白馬王彪詩注陸機豫章
行注演連珠注傅亮為宋公脩張良廟教注劉琨勸
進表注及衆經音義卷二十竝引廣雅軌迹也
今據以訂正武者爾雅云履帝武敏武迹也

追駟末隨逐也

追末者方言追末隨也諸書無訓駟為逐者駟蓋馳
字之誤史記貨殖傳云博戲馳逐漢書東方朔傳云
設戲車教馳逐是馳與逐同義凡隸書從也从四之
字或以相近而譌水經洙水注云地理志曰洙水而
復作流登

北至蓋入泗水或作池

字蓋字誤也是其證

權錘屨鎮珍瑋重也

權者漢書律歷志云衡平也權重也韓子說難篇與之論細人則以為賈重史記韓非傳賈重作需權鎮鎮者方言鎮鎮重也東齊之閒曰鎮宋魯曰錘釋器云錘謂之權錘之言垂也下垂故重也鎮之言鎮也方言鎮厚也厚與重同義說文云重厚也鎮者周官大司樂注云四鎮山之重大者周語為擊幣瑞節以鎮之韋昭注云鎮重也

紉紉繩索也

紉者方言壁楚謂之紉說文紉釋繩也楚辭離騷紉秋蘭以為佩王逸注云紉索也紉者說文紉紉紉紉之言切也謂切撚之使緊也亦通作切淮南子汜論訓綏麻索纆高誘注云索切也

離解廝披碎布散也

斯披者方言斯披散也東齊聲散曰斯器破曰披秦
晉聲變曰斯器破而不殊其音亦謂之斯集韻引字
林云聲變破也漢書王莽傳莽爲人大聲而嘶顏師
古注云嘶聲破也斯嘶嘶並通爾雅斯離也春秋
繁露度制篇云是大亂人倫而靡斯財用也王逸注
九歌云斯解冰也義並與斯同成十八年左傳今將
崇諸侯之姦而披其地
杜預注云披猶分也

廿九日未刻點竟時耕者前半日雀二禮仰來訪

廿二日已刻校大無時翰林朱理時之祖欲入鄉費田大率賓客滿室滿坐又
別宴余于義學三碧軒地極涼爽

廣雅疏證卷第三下